

## Merheba ji vê cejnê re...

Pîrozbahiyên 23'yê Nîsanê li Colemêrgê dikandaran derabeyên xwe daxistin û gel zarokên xwe neşandin dibistanan û ji ber vê jî tenê rayedarên dewletê pîrozbahî li dar xistin. Di qada pîrozbahîya 23'yê Nîsanê de ji bilî çend rayedarên dewlet û zarokên leşker û polîsan kes tunebû. Polîsan bi dijwarî êrîşî meşa zarokan jî kir û 4 jê giran 7 zarokên biçûk birindar bûn.



2

### PKK ji xwe hêzeke siyasî ye...

Siyaseta legal encameke siyaseta bi salan di her qada jiyandê de û bi berdelên giran tê dayin e. PKK hêzeke herî siyasî ye... **AZİZ OĞUR**



2

### Darbeya şevîn û siyaseta şîdethez...

Di kûraya şeveke tarî de, hêzên dewletê bi ser mal û avahiyên welatparêzên demokrat û DTP'yan de girtin... **YAŞAR EROĞLU**



10

### Heyran ez nivîskarim nivîskar...

Li gorî hinekan, ewcî, yêdincî. Dawî bûm PKK'cî! Bo çi? Bo ku di rojnameya rojane, kurd û kurdî, Azadiya Welat de dinivîsim... **ARJEN ARİ**



## Teklîfa sîxuriyê...

Di bin çavan de teklîfa sîxuriyê li xwandevanê zanîngehê hate kirin. Li Îzmîrê xwendekarê Zanîngeha Egeyê yê 17 salî S.K. ku di encama serdagirtina malê de hatibû binçavkirin, diyar kir ku polîsên ew birine Şaxa Zarokan a Gaziemîrê teklîfa 'Eger tu kevir bavêjî me jî em tiştêkî bi te nekin. Hem li zanîngehê û hem jî di nava DTP'ê de kesên tu nas dikî hene. Ji me re agahiyan bîne em ê pêdiviyên te bi cih binin, heta em dikarin hin caran bi hev re biçin maçê jî' kirine... **R.3**

## reporters sans frontières



## Durûtiya 'Sînornenas'

Rojnamegerên Sînornenas (RSF) ji ber salvegera rojnamegeriya kurd bal kişand ser zextên li ser rojnamegeriyê ya li başûrê Kurdistanê û ew yek bi yek rêz kirin, lê rewşa bakurê Kurdistanê jî nedîtî ve hat. RSF'ê li ser salvegera rojnamegeriya kurd a roja 22'yê nîsanê daxuyanî da û zextên li Herêma Federal a Kurdistanê ya li ser azadiya çapemeniyê rexne kir. Lê balkêş e zextên bê sînor ku li bakurê Kurdistanê jî aliyê Dewleta Tirk ve li ser azadiya çapemeniyê tê kirin ji nedîtî ve hat... **R.6**

# 'Ger hewes e Zap bes e'

Endamê Konseya Rêveber a KCK'ê Duran Kalkan êrîşên li hemberî Tevgera Azadiya Kurd wekî encama hevkarîya DYA, Îran û Tirkîyeyê nîrxandin. Kalkan da zanîn ku heke Artêşa Tirk operasyoneke bejayî ya li dijî Başûr pêk bîne, dê dîsa rastî aqûbeta Zapê bê

### 'AQÛBETA ZAPÊ JI BÎR NEKIN'

Koma Civakên Kurdistanê (KCK) ji ber êrîşên li hemberî qadên gerîla yê li başûrê Kurdistanê, rêveberîya Amerîkayê rexne kir. KCK'ê da zanîn ku gerîla li hemberî êrîşên bi her awayî xwedî amadekariyên pêwîst e û got heke operasyon çêbe dê aqûbet wekî ya Zapê be.

### 'OPERASYON DI ROJEVÊ DE YE'

Kalkan anî ziman ku rêveberîya tirk dixwaze operasyoneke bejahî pêk bîne û got: "A rast, dewleta tirk dixwaze, pêşmergeyên PDK û YNK û leşkerên Amerîkayê jî, tevli operasyonê bibin. Lê em bawer nakin ku başûrî jî vê zêdetir destûr û piştgiriyê bidin operasyonê... **R.4**

### KCK: DIVÊ GEL ÎNSİYATÎF BIGIRE

Li aliyê din KCK'ê bi daxuyaniyeke nivîskî bang kir ku gel li hemberî êrîş û zordariyê însiyatîfê pêş bixe. KCK'ê aşkera kir ku konseptê mezîna a îmhayê tê lidarxistin û xwest ku gelê kurd li dijî van pêkanînan bêdeng nemîne û bi xwe însiyatîfê bigire destê xwe.



## Encama operasyona Zapê ji bo Tirkîyeyê gelek giran bû

Par di meha sibatê de Artêşa Tirk hem di qada hewayî de hem jî bi bejayî (li erdê) xwestibû bi deh hezaran leşkerî baxo ser wargehên gerîla û beşeke başûrê Kurdistanê dagir bike. Lê leşkeran nikarî xwe li ber berxwedana hêzên HPG'ê bigire û piştî hefteyekê neçar ma ku hêzên xwe paşve vekişîne.

Hilbijartina muxtariyê bû sedema qetilkirina jinekê... **Rûpel - 7**

Li pirtûka Generalên Biçûk ên Apê Mûsa ceza birin... **Rûpel - 9**

## Çalakiya wekîlên DTP'ê deng veda

Parlamentêrên DTP'ê bi armanca şermazarkirina êrîşên li ser partiya wan çalakiya rûniştinê di parlamentoyê de pêk anî. Parlamentêrê ODP'ê Ufuk Uras jî piştgirî dayê

Parlamentêrên DTP'ê ku bi armanca şermazarkirina operasyona li hemberî partiya xwe şermazar bikin şevê din li Meclîsê çalakiya rûniştinê dan destpêkirin, çalakiya xwe bi dawî kirin. Hevserokê DTP'ê Ahmet Turk, Emîne Ayna jî di nav de 21 parlamentêrên DTP'ê Parlamentêrê ODP'ê yê Stenbolê Ufuk Uras jî tevli çalakiyê bû. Çalakiya rûniştinê saet di 08.00'an de bi dawî bû... **RÛPEL - 4**



### Turk: Ataturk bo kurdan 'xweserî' xwestibû

Hevserokê DTP'ê Ahmet Turk di Lijneya Giştî ya Parlamentoyê de bi mebesta rûniştina taybet a 23'yê Nîsanê axivî. Turk gotinê Ataturkî yên ku di 16'ê çileyê 1923'yê de li Îzmîtê kiribûn bi bir xistin û wiha got: "Mustafa Kemal Ataturk gotibû 'Li dewsa ku em kurdan cuda bihesibînin, di çarçoveya Makeqanûna me de jixwe dê xweserîyeke herêmi bê avakirin.'"

## PÇDK serbixwe dikeve hilbijartinan

Serokê Giştî yê PÇDK'ê Diyar Xerib, da zanîn ku PÇDK amadekariyên xwe yê ji bo hilbijartinên Parlamentoya Kurdistanê dimeşîne û wiha dom kir: "Beşeke mezîna a hemwelatî hêvî dikin ku hilbijartinê re li ber pêşveçûna demokrasiyê vekin. Ew jî wekî PÇDK'ê di wê baweriyê de ku, tenê bi riya hilbijartinê, destkeftiyên gelê Kurdistanê dikarin bêne parastin û pêşve birin. Lewre jî em hilbijartinê jî bo hêviya gel, wekî derfeteke dibînin..." **RÛPEL - 4**



Siyaset peyveke erebî ye û tê wateya 'perwerdekirina hespan'. Di dîroka siyasî ya Yewnanistanê de ev peyv bi wateya, 'çalakiyên tîkildarî polis an jî dewletê' hate rûniştin. Mîna beşeke zanistiyê jî siyaseta wateya 'xabat an çalakîyên ji bo lihevkerina berjewendiyên beşên cuda yê civakê'.

Tevî ku beriya niha siyaseta wateya teng a tîkildarî dewlet û desthilatdariyê hate bikaranîn jî di dema me de çerçoveya wê ya rastîn hêdî hêdî diyar dibe. Di roja me de siyaseta wateya; tehlîlkirina biryaran, rola komên civakî di tîkiliya biryar û bandorkinê de, beşdariya siyasî, tîkiliya di navbera hebûna civakî û desthilatdariyê, pêşketin û guhertina siyasî tê nîrxandin. Tîkildarî jiyane çî hebe tîkiliya wê bi siyaseta re heye. Yanî siyaseta jiyane bi xwe ye û jiyanê derveyî siyaseta cudabûna mirov a jî zindiyên din (lawiran) jî holê radike. Tiştên di jiyana rojane de derveyî siyaseta tenî nîşandan jî, tev parçeyên siyaseta ne.

Di civakên Rojhilata Navîn û bi taybetî li dewletên ku Kurdistan dagir kirine mîna gelek tiştan ev tîgeh jî berevajî nîşan dane. Ji aliyekî ve siyaseta mîna karê serdestan hatiya nîşandan û meşandin, ji aliyê din ve naveroka wê mîna, 'derew, dirûti, berjewendiparêzî, dek, dolap, fen û fesadî' tê nîşandan. Mebest jî ew e da komên xelkê jê dûr bikevin û tekela xwe ya li ser siyaseta bidomînin.

**Siyaseta koledariyê an a azadiyê...**

Li Kurdistanê jî siyaseta di cewherê xwe de mîna kanaleke hevkarîya di dagirker, serdest, mêtîngeran re bi destê serokeşîr, axa, şex û began dihat meşandin. Di encama lihevkerinên partiyên sîstemê yê bi şex, beg û axayan re deng û hebûna kurdên bêirade hatin hiştin, ji bo meşandina siyaseta tune kirin, înkâr û asîmilasyonê mîna amûr bi kar tanin.

Ji bilî hin hewlên û îstîsyanan heta salên 1970'î jî yê yekê berdewam kir. Piştî salên 1970'î cara yekemîn dikare bahsa daketina siyaseta ya nav civakê bê kirin. Gelek rêxistin bi navê gelê kurd mîna namzetên siyaseta derketin qadê lê belê piştî cuntaya leşkerî ya 12'ê Îlonê mîna ku bangor (silîndir) di ser wan re derbas bibe jî holê rabûn. Lê PKK bi pêngav û hewlên xwe heta roja me hat. Lewma mirov dikare damezirandina PKKê mîna starta pêvajoya siyasîbûna gelê kurd bi nav bike. Yê PKK damezirandin û gihandine iro jî ne derorên, serdest/elit ên mîna beg, axa û şexan bûn. Berevajî yê yekê zarokên gelê xizan bûn. Bi tekoşina PKKê û çanda afirandîna yekemîn gelê kurd jî pêvajoya biryardayîne heta bi pêkanîne di nava

**BEROJ**



AZİZ OGUR  
abdulazizogur@hotmail.com

**Siyasetê PKK diyar dike**



siyaseta de cih digire. Disa cara yekemîn jî derveyî derdorên hevkar û serdest jî nava gelê nûnê gel li parlamentoyê, li şaredariyan û di her qada jiyane de kurdan temsil dikin.

Mirov dikare PKKê mîna mûdaxeleya yekemîn û beşdariya rastîn a gelê kurd a jî bo siyaseta bê ditin. Di meşandina siyaseta de gelek amûrên xwe ifadekirinê tenî bikaranîn. Li gorî şert û mercên heyî rebazên siyaseta tenî diyarkirin û meşandin. Şerê çekdarî an çek jî jî siyaseta cudatîr nikare bê ditin. Di rewşa ku derfetên xwe ifadekirinê tevahî jî holê hatin rakirin de, jî bo afirandina derfetan, an berterafkirina êrişan û xetereya tunebûnê çek jî amûrekê siyaseta ye.

**PKK jî xwe hêzeke siyasî ye...**

Di dema me de şaşîya herî mezin ew e ku siyaseta tenê mîna siyaseta legal tê ditin. A rast ew e ku siyaseta legal encameke siyaseta bi salan di her qada jiyane de û bi berdelên giran tê dayin e. Bêgûman di vî şaşdîtinê de bandora şerê taybet a psikolojîk jî heye. Wateya teng a siyaseta ku bi desthilatdarî, parlamentoya yan siyaseta legal ve tê binavkirin dîxwazî li ser kurdan ferz bikin.

Piştî hilbijartinên herêmi terora dewleta

tirk a li ser DTPê bi zanebûn an bi nezani jî aliyê gelek derdorên ve mîna; "Hewldana astengkirina siyasîbûna PKKê" hate nîrxandin. Bi vî rengî girtina dest a mijarê berevajîkirina rastiyê ye. Li aliyê din hêzdayîna propagandaya şerê taybet a 'rêxistina terorê hewl dide siyasî bibe' ye. AKP û Artêşa Tirk hewl didin bandorên PKKê yê li ser siyaseta Tirkiyeyê û herêma bisînor bikin. Lewma bi gotina 'dîxwazî siyasî bibin' pêvajoyê bi paş de bikişînin.

PKK jî roja hatiye saz kirin û heta niha aktoreke diyarker a siyaseta 4 dewletên dagirker; Tirkiye, Îran, Sûriye û Iraqê ye. Her wiha wê bandor li hemû Rojhilata Navîn jî kiriyê. Disa jî Qefqasyayê heta Ewropayê bandorên girîng li ser siyaseta navneteweyî jî dike.

Pêwîst e ev rastî tu caran neyê jîbîrkirin; PKK û Rêbertiya wê navnişana bingehîn a siyaseta kurd e û ev 30 sal zêdetir e biyê navgîna diyarkirina siyaseta Rojhilata Navîn û rojva bingehîn a tîkiliyên herêmi û navneteweyî. PKK jî xwe mîna hêza siyaseta kurd derkete holê, bi vî siyaseta xwe ya bibandor bijarteya biratiya gelan derdixê pêş, aşî û demokrasîyê saz dike û ya girîngtir jî gelê kurd gav bi gav ber bi azadiyê ve dibe.

**Raman û wate**

**Yaşar Eroglu**

yasareroglu2007@hotmail.com



**Derbeya şevîn û siyaseta şidethez**

Di kûraya şeveke tari de, hêzên dewletê bi ser mal û avahiyên welatparêzên demokrat û DTP'yan de girtin. Vê pêlê roja din û rojên din jî dewam kir; hê jî dike.

Bi gelemperî derbe şevan hatine li darxistin. Şev stargeha derbekar û reşkarane e. Ev operasyonên ku hêzên dewletê pêk anin derbe bi xwe ne.

Li gorî agahiyên aşkerabûyî dozgerê Amedê du sal in der barê DTP'yan girti de şopandina teknik pêk aniye. Yanî dosya di bin sumenê de amade kiriyê. Kengî DTP di hilbijartinan de bi ser ket, hikûmeta AKPê bi rik û kerb ev dosyaya amadekirî wekî çekeke zingalgirtî danî ser maseyê, derbeya sivil a dij siyaseta legal pêk anî. Bi sedan siyasatmedarê kurd; jin, ciwan jî navenda DTPê bin çav kirin û avêtin girtgehê.

Ev li dijî siyaseta kurd, li dijî çareserîya aştiyane û demokratîk derbeyeke şidethez e.

Dewleta tirk di şexsê AKPê de înkâr û şidethezî sparte gelê kurd. Kuştina jin û zarokên kurd rewşa dit. Silah kişandina nijadperestan maqûl û rewşa dit. Li dijî çareserîya pirsgerê kurd çareserîya wî ew bû: "Yek al, yek ziman, yek dewlet. Yan hez bikin an biterikinin." Serokwezîr Erdogan ev rewş wek politikayekê meşand.

AKPê û Erdogan bi vî politikayê ve liv û tevgera hilbijartinê da destpêkirin. Tenê bêhnek da navberê; TRT Şeş vekir, behsa beşa kurdolojiyê kir. Wî hesab dikir ku bi vî politikayê ve dê kurdan bixapîne û li Kurdistanê bi ser keve.

Siyaseta kurd hilbijartina 22'ê tirmehê ditîbû. Siyaseta AKPê ya şerxwaz û şidethez nas kiribû. Kurdan jî tedbirên xwe girtin û wek referandumêkê hilbijartinê nîrxandin. Gelê kurd rûmet da daxwazê DTPê, çareserîya aştiyane û demokratîk erê kir. DTP di hilbijartinan de bi ser ket, lê politikayên AKP'a şidethez di sandoqê de kuşt û bin xist.

AKP niha binketina xwe û serkeftina DTPê nahewîne, hezîm nake. Kingê ku bi rîya demokrasîyê wînda kir, dest avêtê û rebazên antî demokratîk. Erdogan li Londonê got, "DTPê bi rîya tehdît û şidethez hilbijartin qezenz kiriyê." Pê re sinyalên derbeya şevîn da. Di demeke kin de derbe hate kirin, nivê DTPê bi tevî belge û amûrên partiyê desteser kirin.

Seranpê ev derbe berhemê AKPê ye. Dewletê rola ku AKPê, AKPê jî qedera xwe girêda wê rolê. Heke politikaya AKPê bi ser keta dê bigota gelê kurd tasfiyekirina PKKê û pirsgerê kurd jî bo me erê kir. Girêdayî plana DYAYê îmha û tasfiyekirina wan de bi awayekî rewşa bimeşanda.

Lê plan xira bû. Ew derfet jî nebû para AKPê. Lê AKP û Erdogan jî hespê DYAYê peya nebûn. Ji ber tu rê jî bilî şidethezî nekîrîne û rîyeka din jî ji wan re nemaye bi hêviyên şikestî li terkiya DYAYê derbe pêk anin. Bela ku di destên wan de tu amûr jî nemane dîxwazî pirsgerêkê terorîze bikin, di raya giştî de şidethezî xwe rewşa nîşandin. Xwe bi benekî zirav û tenik daliqandine mimkûn e, ben bi-qete, bi ser serî bikevin.

Bi aşkera, bi agir re tê listin. Ev agirekî mezin e. Hêmayê esas gelê kurd e. Kî pê listîbe di serî de mimkûn e ew bi vî agirî bişewite.

Ev agir AKPê dadaye. Mîna yê berî xwe pêşeroja AKPê jî tari ye. Vî gelî gelek partî rê kirin. AKP jî dîxwaze vî jî aqibetê sûd wergire.

**Piştigiriya helwesta Kakeyî**

Wek rewşên berekî gelê kurd û niştîmanperwerekî tekoşer û xwedî berpirsîyar, helwesta te ya Kakeyî ya bi vî serdemê nazik û girîng e, pir girîng û bilind dinirxînim. Ez birêz Felekedîn Kakeyî jî nêz ve nas dikim û bi hev re jî di demên tengasî de me kar kiriyê. Ev demekê ez nivîs û helwestên Kakeyî dişopînim. Ez bawer dikim ku hesta berpirsîyariyê beramber neteweya kurd û berjewendiyên gelê kurd li cem birêz Kakeyî di astekê bilind dane. Di vî demê de ku hewlên dewleta tirk berde- wam in ku dîxwazî pîrsa kurd li Bakurê Kurdistanê û tevgera PKKê bi şeweyên serbazî çareser bike, helwesta birêz Felekedîn Kakeyî li ser çareserîya aştiyane û qebûlkirina mafên gelê kurd û rêdan ku tekoşerên PKKê bikaribin bi

awayekî azadiyane li welatê xwe xebata siyasî jî bo azadî û pêşketina civaka kurd bikin. Ji bo vî jî Kek Felekedîn her çî firsete çê bibe dîxwaze bi vî rastiyê ve girê bide. Wek helwesta wî li ser Konferansa ku tê behiskirin li Hewlêrê çê bibe, û jî her siyasatmedarêkî û jî her hêzeke kurdî re dibêje ku bê hebûna hemû hêzên kurdî jî wan jî PKK di vî konferansê de ne mumkîne konferans serkeftî be û di berjewendîya kurdan de be. Kakeyî eşkere bang dike ku ev konfe-



Nazif MAYÎ

rens divê a kurdan be û di berjewendîya neteweya kurd de be. Bang li hêzên kurdî dike ku pêwîste hev du qebûl bikin jî bo ku bikaribin pêşkevin û azad bibin. Her wiha Kakeyî tekoşîna gelê kurd li bakurê Kurdistanê weke bîngeha rizgariya neteweyî di vî qunaxê de dibîne.

Di rojnameya Kurdistanî Niwê de 16/4 li ser gotinên birêz Mam Celal der barê pêşniyaran wî bo çareserîya kêşeya dewleta tirk û PKK bi şeweyekî aştiyane ku di 14/4 de di kenalê Al-Hure de gotibû gelekî pesna vî helwestê Mam Celal kir ku gotibû Tirkiye maf nîne were hundirê axa Iraqê karên serbazî encam bide û mesele bi çê çareser nabe û pêwîste rewşeke diyalogê û aştiyane were amadekirin jî bo çareseriyê.

Ez jî helwesta birêz Kakeyî weha dinirxînim: Kakeyî hestîkirin bi berpirsîyariya neteweyî û mirovperwerî dîxwaze her çîriskeke ronahiyê hebe bo yekitiya kurdan û çareserîya aştiyane ya pîrsa PKKê û dewleta tirk dîxwaze vî çîriske bike ronahiyekê mezin û hêzên kurdî xwe tê de bibînin. Kakeyî dîxwaze bêje desthilatdarên erebên Irakê mafê wan nîne bangheştî leşkerê tirk bikin bo herêma Kur-

distanê û li dijî PKK şer bikin. Kakeyî dîxwaze bibêje ku siyaseta 50-60 salî ya ku her tim tevgêrên kurd hewl daye ku dagirkerên perçên din yê Kurdistanê jî xwe razi bikin û tîkîlî û alîkariya perçên din nekin jî bo layenê di dagirker jê razi bin, ev siyaseta feşela xwe kiriyê û ziyaneke mezin jî daye tekoşîna gelê kurd. Divê kurd bê du dilî biwêrin bêjin em netewekî û em jî bo hev du diêşin. Kakeyî dibêje mafê neteweya kurd e li hev bicivê û bibe xwedî stratejiyêke neteweyî.

Ji bo van helwestên Kakeyî, ku ez weke berdewamiya helwesta birêz Serokê Herêma Mesûd Barzanî dibînim, pêwîste her kes, bi taybetî her rewşên berekî kurd bibîhîze û bibîne. Me gelek kurdên birêzên kurd hene li başûrê welat, lê me gelek rewşên birêzên xwedî helwestên biwêrane nînin. Kakeyî yek jî wan rewşên birêz û siyasatmedaran ku helwesta xwe li hember meseleyên çarenûsaz diyar dike. Mumkîne ez û birêz Kakeyî di pir meseleyên fikrî û siyasî de jî hev du cudâ difikirin, bo nimûne konferansa Abante li Hewlêrê, lê bi erkê xwe dizanim ku piştigiriya helwesta wî ya kurd û niştîmanperwêrane bikim û bang li hemû rewşên birêz dikim ku di vî demê nazik de xwedî li helwestên biwêrane û neteweyî derkevin. Hêvîdarim birêz Kakeyî li ser vî helwesta xwe berdewam be û serkeftinê jê re dîxwazim.

**ERBIL INTERNATIONAL BOOK FAIR 4**



- têkoşîn:** mûcadele
- çalakî:** eylem
- mijar:** konu
- mînak:** örnek
- roman:** düşünce
- rojnameger:** gazeteci
- xweser:** bağımsız
- diyarker:** belirleyici
- bandor:** etki
- cewher:** öz, esas
- kakil:** çekirdek, ceviz içi
- serkêş:** öncü, öncül
- malper:** internet sitesi
- berjewendî:** çıkar
- hewldan:** girişim
- siyasîbûn:** siyasallaşma
- afirandin:** yaratmak



# Di bin çavan de teklîfa sîxuriyê

Xwendekarê bi navê S.K. ku li Îzmîrê di encama operasyona li dijî YDG-M'ê de hate binçavkirin, got ku polîsan bi îsrar jê xwestine bibe sîxur. S.K. da zanîn ku psîkolojiya wî xira bûye

Li Îzmîrê xwendekarê Zanîngeha Egeyê yê 17 salî S.K. ku di encama serdagirtina malê de hatibû binçavkirin, diyar kir ku polîsên ew birine Şaxa Zarokan a Gazîmîrê teklîfa 'Eger tu kevîr bavêjî me jî, em tiştêkî bi te nekin. Hem li zanîngehê û hem jî di nava DTP'ê de kesên tu nas dikî hene. Ji me re agahiyan bîne em ê pêdiviyên te bi cih binin, heta em dikarin hin caran bi hev re biçin maçê jî' kirine.

Xwendekarê Zanîngeha Egeyê S.K. ê 17 salî ku li Îzmîrê di encama operasyona li dijî YDG-M'ê de tevî 29 kesan hate binçavkirin, got ku polîsan bi îsrar jê xwestine bibe sîxur û da zanîn psîkolojiya wî xirab bûye. S.K. di 17'ê nîsanê de li Bornovayê di encama serdagirtina mala xwe de hatibû binçavkirin û piştî 2 rojan di binçav de ma jî aliyê dozgeriyê ve hatibû berdan. S.K. ku tiştên jiyî ne vegot, anî ziman ku berî niha jî di 15'ê sibatê de dîsa jî

aliyê ekîbên girêdayî Midûriyeta Polîsan a Îzmîrê ve hatiye binçavkirin, ew birine Şaxa Zarokan a Gazîmîrê û li vir 2 rojan hatiye girtin. S.K. destnîşan kir ku 3 kesên sîvil ên xwe wekî polîsan dane nasîn, hin teklîf jê re kirine.

**'Ez ê gilî bikim'**


S.K. tiştên jiya ye wiha vegot: "Di 15'ê sibatê de polîsan bi ser mala me de girt û ez girtim binçav. Ji ber emrê min biçûk bû ez birim Şaxa Zarokan a Gazîmîrê. 3 polîsên kincên sîvil li wan hatin cem min û gotin 'Hem li dibistanê û hem jî di nava DTP'ê de hevalên te hene. Ji me re agahiyan bîne em dê hemû pêdiviyên te pêşwazî bikin'. Min jî diyar kir ku ez dê tiştêkî wiha nekim."

S.K. ku da zanîn piştî 2 mehan dîsa di 17'ê nîsanê de hatiye binçavkirin, anî ziman ku dîsa ew birine şaxa zarokan û wiha dom kir: "Dema ez di

binçav de bûm vê carê 2 kesên cuda hatin cem min û gotin 'Dema tu cara din hatibû binçavkirin me tiştêkî ji te re gotibû. Em li hêviya bersiva te ne'. Wekî cara din dîsa min da zanîn ez teklîfa wan qebûl nakim. Vê carê zêde îsrar kirin û gotin, 'Êdî tu kevîr bavêjî polîsan jî em dê te negirin binçav. Polîs dê bi tu awayî qarişî te nebe. Hem di nava DTP'ê de hem jî li dibistanê çî dibe ji me re bêje. Ne pêwîst e tu werî vir jî, em ê li te bigerin û agahiyan bigirin. Heta em dikarin biçin bi hev re li sahaya xalî maçê jî bikin'. Min teklîfa wan qebûl nekir, lê li ser hev îsrar kirina wan ez xistim nava gumanan. Ji ber vê yekê ez jî ewlekariya canê xwe bi fikar im."

S.K. destnîşan kir ku ji bo girtina alîkariya hiqûqî dê serî li ÎHD'ê ya Îzmîrê bide û der heqê polîsan de gilî bike.

REMZÎ COŞKUN  
İZMİR / DIHA



## Gerîlayekî PJAK'ê şehîd ket

PJAK'ê ragihand ku hefteya borî li herêma Hewrmanê piştî çalakîya li hemberî leşkerên Îranê gerîlayekî wan jî ber derketina pîma narincokê jiyana xwe feda kiriye.

Navenda Ragihandinê ya PJAK'ê der barê çalakîya li herêma Hewrmanê ya li hemberî pasdarên Îranê de daxuyaniyek da. Di daxuyaniyê de hate ragi-

handin ku di çalakîyê de 10 pasdar hatibûn kuştin. Her wiha di dema paşvekişandinê de gerîlayekî wan jî jiyana xwe ji dest daye. PJAK'ê daxuyand ku gerîlayê wan ê bi navê Cîgerxwîn dema paşvekişandinê de ferq kiriye ku pîmê narincokê derketiye. Ji bo ku tiştêkî hevalên wî neyê xwe avêtîye ser narincokê û bi vî rengî xwe feda kiriye.

Gerîlayê bi navê Cîgerxwîn (Barîş Taş) di sala 1989'an de li navçeya Elbaka Wanê jî dayik bûye û di sala 2005'an de tevli Teverga Azadiyê bûye. PJAK'ê ragihand ku Cîgerxwîn li herêma Xakurkê, Qendim û Hewrmanê xebat dimişand û fermandarê timê bûye. PJAK'ê jî malbata gerîlayê xwe û jî gelê kurd re sersaxî xwest. QENDÎL / ANF

## Li Girtîgeha Êlihê îşkence

Rayedarên Girtîgeha Tîpa M a Êlihê îşkence li girtiyê bi navê Resul Çakir kir.

**10 saetan îşkenceyê dom kir**  
Skandalên li girtîgehên Tirkiyeyê bi dawî nabin. Her roj girtîgehêk bi îşkence, lêdan û bi bînpêkirinê mafan tê rojevê. Ligel vê yekê jî rayedarên Tirkiyeyê ji bo çareser kirina pîrsîgirêkan nakevin nava hewldanan. Her dawî hate diyarkirin ku rayedarên Girtîgeha Tîpa M a Êlihê 10 saetan bînavber îşkence li girtiyê ji doza PKK'ê Resul Çakir kirine.

**'Bi zorê diaxivî'**  
Ahmet Çakir diyar kir ku hefteya borî çûye hevdişîna birayê xwe û mijar wiha vegot: "Kurmamê min Resul Çakir ji doza PKK'ê bi cezayê mûebetê hatiye cezakirin. 15 salan li Girtîgeha Sêrtê girtî ma. Hevsera wî jî li Girtîgeha Girtî ya Tîpa M a Êlihê dimîne. Ji ber vê yekê neqla xwe xwest Girtîgeha Tîpa M a Êlihê. Piştî hate qebûl kirin di rojên borî de sewqî Girtîgeha Êlihê kirin. Lê berî bibin qawîşa girtiyên siyasî 10 saetan îşkence lê kirine. Dema em çûn hevdişîna kurmamê min bi zorê xwe bi dîwar ve girt û hate cem me. Ji ber îşkenceya ditî bi zorê dikarî biaxivê."

**Îşkence didome**  
Çakir bi bir xist ku bînpêkirina mafan û îşkence li Tirkiyeyê berdewam dike û wiha domand: "Kurmamê min di girtîgehê de ye û di destê dewletê de ye. Ligel vê yekê îşkenceyê lê dikin. Hemû muameleyên xirab lê dikin. AKP îdia dike ku Tirkiye welatekî demokratîk e û îşkence lê tune ye. Ez ji wan dipirsim ka li ku ye demokrasîya we? Sifir toleransa îşkenceyê ev e? Bi salan e eşên ku bi gelê kurd nedane jiyîn nema. Hêj ev îşkence berdewam dikin. Bila hemû cîhan bibîne û bizanibe ku li Tirkiyeyê îşkence berdewam e. Mafên mirovan tune ye û demokrasî tune ye."  
Çakir diyar kir ku ji ber îşkenceya li kurmamê wî hatiye kirin dê serî li ÎHD'ê Êlihê bide û alîkariyê bixwaze. ÊLİH

## 23 kes hatin binçavkirin

Di encama serdagirtinê li bajaroka Halfeliyê ya Îdirê û navçeyên Buca û Menemenê yê Îzmîrê di encama serdagirtinê malan de 23 kes hatin binçavkirin.

Leşkerên Femandariya Cendirmeyan a Halfeliyê bi ser gelek mal û kargahan de girt. Di serdagirtinê de 17 kes hatin binçavkirin.

Yekîneyên Midûriyeta Polîsan a Îzmîrê li taxa Ulukentê ya navçeya Menemenê bi ser 3 malan de girtin. Serdagirtinê 3 saetan berdewam kir. Hate zanîn ku di dema lêgerinê de mal hatiye serobînokirin. Di encama lêgerinê de Mehmet Sadîk Çefîn, Abdullah Avcî û Sinan Yılmaz hatin binçavkirin. Her wiha di heman demê de li Buca'yê jî serdagirtinê malan pêk hatin. Di encama serdagirtina li vir de jî Emrah Pîrbudak, Ferhat Secîncî û Kesîp Rahat hatin binçavkirin. 6 kesên hatin binçavkirin birin Midûriyeta Polîsan a Bozyakayê. İZMİR / İDIR

## 'Zarok derveyî hiqûqê tîna pîrsiyarkirin'

ÎHD'a Mersînê di rapora bînpêkirina mafan a amadekirî de bal kişand ser pîrsiyarkirina derveyî zagonê. Di raporê de hate daxuyandin ku pîraniya kesên tîna bînpêkirin bi awayekî nefermî tîna pîrsiyarkirin, dema bînpêkirinê tê dirêjkirin û zarok di girtîgehan de rastî lêdanê tîna.

ÎHD'a Mersînê têkildarî "Îşkence û muameleya xirab a di bin çavan de" ya li hemberî zarokan raporek amade kir. Di rapora bi sernavê, "Bînpêkirinê mafan ên di dema bînpêkirina zarokan de" de hate daxuyandin ku di warê şewazê de jî gelek pêkanînan derveyî hiqûqê li hemberî zarokan pêk tîna. Komîsyonê bi zarokên di girtîgehê de mayî jî hevdişînek kir û çavdêriyên xwe di raporê de nivîsandin. Di raporê de hate destnîşankirin ku li hemberî bînpêkirinê mafên zarokan ên di dema bînpêkirinê de ne li dozgeriyê ne jî li dadgehê tu muamele nayên destpêkirin. Di raporê de hate daxuyandin ku zarok bi awayekî derzagonî tîna bînpêkirin û li hemberî zarokên bi îdiaya, "Endamtiya rêxistinê" tîna girtin li girtîgehê jî rastî heman bînpêkirinê mafan tîna. Di raporê de ev xal hatin destnîşankirin: "Binçavkirin gelek caran bi awayekî keyfî pêk tîna. Di binçavkirinê li Mersînê hind zarok li cihê bûyerê û gelek jî bi saetan an jî roja

piştî bûyeran li cihên din tîna bînpêkirin. Di dema bînpêkirinê de kî bikeve ber destê polîsan tîna bînpêkirin."

Endamê Komîsyonê Mafên Mirovan a Baroya Mersînê Prz. Mehmet Altuntaş jî pêkanînan derketine holê wekî şerma hiqûqê nîrxand. Altuntaş, diyar kir ku wî bînpêkirina mafên zarokan ji komîsyonê re ragihandiye û wiha got: "Ev zarokên ku mafên wan hatine bînpêkirin zarokên kurd ên ku tê îdiakirin beşdarî çalakîyan bûne. Dema ku mirov li nave-roka dosyayan dinêre, mirov dibîne ku bînpêkirina mafên zarokan bi awayekî

## 'Tirkiyeyê zarokên xwe ceza dike'

ÎHD'a Mersînê bi minasebeta Cejna Zarokan 23'yê Nîsanê daxuyaniyek nivîskî da û diyar kir ku li hemû deverên Tirkiyê merasîmên fermî tê li dar dixin, lê merasîmên tîna lîdarxistinê şekî ne. ÎHD'ê di daxuyaniya xwe de bal kişand ser bînpêkirinê mafên zarokan ên li Tirkiyê û Kurdistanê pêk tîna wiha got: "Tirkiyeyê bi îdiaya pêşketina hestên aşîyane zarokên cihanê jî bo pî-rozbahiya 23'yê Nîsanê her sal tîna Tirkiyeyê, lê li zarokên xwe bi 10 salan ceza dibire. Heta niha hin jî kiryarên cinayetên zarokan ên di nava 5 salên dawî de pêk diyar nebûne. Em li wela-

teki zarok tîna cezakirin dijîn. Bi guher-tiha hin zagonan li zarokên temenên wan biçûk cezayên giran tîna birin. Li Mersînê di nava salekê de jî ber Zagona Tekoşîna li Hemberî Terorê (TMK) nêzi 50 zarok hatinê bînpêkirin û der heqê wan de cezayên giran hatine xwestin." Di daxuyaniyê de hate destnîşankirin ku hê jî zarokên li Girtîgeha Tîpa E ya Mersînê tîna girtin û jî mafên xwe mehrûm in hene. "Di dawîya daxuyaniyê de hate xwestin ku zagona TMK'ê ya destûrê dide cezayên giran li zarokan were birin bê guherîtin. MERSİN

## Li karê mamoste binêrin!

Li navçeya Şemzînan a Colemêrgê 6 xwendekarên ji aliyê rêveberiya dibistanê ve jî dibistanê hatin avêtin, dan zanîn jî ber sedemên siyasî jî dibistanê hatine avêtin û serî li dozgeriyê dan.

Xwendekarên bi navê Erkan Ozkuyuncu, Samî Kaya, Fatîh Eroguş Samî Elmas û M. Tahîr Ozer ku li pola 3'yemîn a Lîseyê Sabrî Ozel a Şemzînanê dixwînin, ji aliyê rêveberiya dibistanê ve bi hinceta li gorî dî-

sîplîna dibistanê tevnegeriyane jî dibistanê hatin avêtin. Xwendekarên ku dan zanîn jî ber tevli çalakîyên demokratîk bûne jî dibistanê hatine avêtin jî, diyar kir ku ji ber mamosteyê bi navê Mekselîna Savucak a nû li dibistanê peywîr girtiye jî dibistanê hatine avêtin û serî li dozgeriyê dan.

Bavê Erkan Ozkuyuncu Yunus Ozkuyuncu ku da zanîn kurê wî jî ber helwestek kêfî jî dibistanê hatiye avêtin.

Ozkuyuncu, destnîşan kir ku di 4'ê Nîsanê roja Meşa Amara pêk hatiye de zarok jî dibistanê hatine avêtin û wiha dom kir: "Ez roja bûyerê çûbûm Amarayê. Mekselîna Savucak a wê rojê nû hatibû, heqaret li zarokan kiribû. Piştê jî derdikeve ser maseyê û şîmaqê li rûyê xwendekaran dixê. Piştê li zarokên me gilî dike û zarokên me jî ber nêzikatiyê wê jî dibistanê hatin avêtin."

Yunus Ozkoyuncu, destnîşan kir ku xwendekar jî ber nêzikatiya kêfî ya mamosteyê mijara gotinê, Midûrê Dibistanê Arîf Yılmaz û Cigirê Mi-

dûrê Perwerdehiya Neteweyî ya Şemzînanê Senar Yuçe jî dibistanê hatine avêtin û anî ziman dê pêy bûyerê bernedîn. Ozkoyuncu, derbirî ku 6 xwendekar jî ber sedemên siyasî jî dibistanê hatine avêtin û bi lêkir ku dê li hemberî bûyerê bêdeng nemînin. Di vî navberê de 6 xwendekarên li Dozgeriya Komarê ya Şemzînanê gilî kirin.

Midûrê Lîseyê Sabrî Ozel a Şemzînanê Arîf Yılmaz têkildarî mijarê daxuyand ku jî ber memurê dewletê ye dê daxuyaniyê nede. COLEMÊRG



# 'Aqûbeta Zapê li benda wan e'

Endamê Konseya Rêveber a KCK'ê Duran Kalkan êrîşên li hemberî gelê kurd wekî encama hevkarîya DYA, Îran û Tirkiyeyê ya li dijî PKK'ê nîrxand. Kalkan da zanîn ku heger artêşa tirk operasyoneke bejayî ya li hemberî Başûr pêk bîne, dê rastî aqûbeta Zapê bê

Koma Civakên Kurdistanê (KCK) ji ber êrîşên li hemberî qadên gerîla yên li başûrê Kurdistanê, rêveberîya Dewletên Yekbûyî yên Amerîkayê sîncdar kir. KCK'ê da zanîn ku gerîla li hemberî êrîşên bi her awayî xwedî amadekariyên pêwîst e û heger Artêşa Tirk operasyoneke bejayî ya li hemberî Başûr pêk bîne, dê rastî aqûbeta Zapê bê.

Endamê Konseya Rêveber a KCK'ê Duran Kalkan êrîşên li hemberî Tevgera Azadiya Kurd nîrxand û got ku, Amerîka li hemberî PKK'ê, bi Îran û Tirkiyeyê re hevkarîyê dike. Kalkan bi bir xist ku ji sala 2003'yan û pê ve, ji ax û sahaya hewayî ya Iraqê Amerîka berpirsyar e û got: "Hêzên tirk û Îranê êrîşî qadên gerîla yên li başûrê Kurdistanê dikin. Heke Amerîka destûr nede Tirkiye û Îran nikarin van êrîşan pêk bînin".

### 'DYA fiilî cih digire'

Kalkan bal kişand ser rewşa balafirên casûsî yên bêpilot ên Amerîka yên li herêmê jî û got: "Balafirên Amerîkayê xebatên keşfê û istixbaratê dimeşînin û bi vî yekê jî awayekî fiilî di operasyonên artêşa tirk de cih digirin".

Duran Kalkan da zanîn ku rêveberîya Başûr jî, bi bêdeng mayîne, piştî girî dide êrîşên hêzên tirk û îranî û got: "Heke ev dengê xwe derxin, reaksiyon nîşan bidin û serî li sazîyên navneteweyî bidane, dê dewleta tirk û Îranê nekaribûna wekî îro êrîşan bikin".

### 'Operasyona bejayî di rojevê de ye'

Kalkan anî ziman ku rêveberîya tirk dixwaze operasyoneke bejahî pêk bîne û got: "A rast, dewleta tirk dixwaze, pêşmergeyên PDK û YNK û leşkerên Amerîkayê jî, tevî operasyonê bibin. Ango tevî destûr dayina operasyoneke

bejayî, ew bixwe, pêşmerge û leşkerên Amerîkayê jî, ji aliyê başûr tevî operasyoneke bejahî ya li hemberî PKK'ê bibin".

Kalkan destnîşan kir ku dewleta tirk di civîna sêalî ya Baxdayê de jî ev daxwaza xwe aniye ziman û hê jî hewl dide vî daxwaza xwe bide qebûlîkirin û got: "Navenda Hevkarîya li dijî PKK ya li Hewlerê jî, ji bo vî armancê hatiye avakirin û dîsa dewleta tirk ji bo vî armancê baregehên xwe yên li Ranya û Diyanayê nû dike û li gelek deverên Başûr bi taybet jî li herêma Behdînan û Soran tîmên tabyet û endamên MÎT'ê xistine nava tevgerê".

### 'Derfetê didin dewleta tirk'

Duran Kalkan diyar kir ku ew bawer nakin PDK û YNK ji yêrî zêdetir derfetan bidin dewleta tirk û got: "Jixwe li Başûr qasî 5 hezar leşker û 50 tang û yekîneyên zirxî yên tirk hene. Zehmete PDK û YNK jî vî zêdetir destûr bide, ku bide jî dê ev bibe dagirkeriyê û dê bandora PKD û YNK'ê kêmtir bibe. Lewma wê destûr nedin hêzên tirk li Başûr zêde dibin".

Kalkan anî ziman ku heger dewleta tirk operasyoneke bejahî pêk bîne, wê ev yek tîkçûna rejîma tirk jî bi xwe re bîne û got: "Di vî rewşa krîzê de wê bi çî operasyona berfireh pêk bîne. Lê heger israr bike û operasyoneke bejayî pêk bîne, wê tîkçûna rejîmê bi xwe re bîne".

### 'Gerîla jî pêvajoyê re amade ye'

Endamê Konseya Rêveber a KCK'ê bal kişand ser amadekariyên gerîla jî û got: "Gerîla li hemberî rewşên bi her awayî amadekariya pêwîst kiriye û heger dewleta tirk êrîşek pêk bîne, dê aqûbeta li Zapê anîbû serê hêzên tirk, ji wê xerabtir bîne serê wan".

Duran Kalkan da zanîn ku



Di sibata 2008'an de Artêşa Tirk li Zapê darbeyeke mezin ji gerilayan xwaribû.

qabîliyeta operasyonî ya Artêşa Tirk kêmtir bûye û hêviya serketina li hemberî gerîla wînda kiriye û wiha got: "Du sedemên vî hene. Yekemîn di operasyonan de darbeyan dixwe û ya duyemîn jî, êdî nikare li hemberî windahiyan raya giştî îkna bike. Ji ber van du sedeman wekî berê tevî operasyonan nabin, ji yêrî berê zêdetir, operasyonên biçûk pêk tînin û girîngî didin teknîkê. Ji generalan, heta sûbayan û ji wan heta leşkerên jî rêze, îro bi sendroma PKK û kurd dijîn."

### Operasyonên li Bakûr

Kalkan der barê operasyonên Artêşa Tirk de jî agahî da û got: "Dewleta tirk piştî hilbijartinan li bakûrê Kurdistanê lez da operasyonan. Li Dêrsim, sêgoşeya Amed, Çewlik, Mûş, Garzan, Besta, Botan, Cûdî, Gabar, Zagros û li gelek deverên din dest bi operasyonan kirin. Li herêma sinor di nava tevgera

leşkerî de ye. Rojê jî 3 heta 5 operasyonan pêk tîne. Girîngî dide operasyonên noqteyê û teknîkê".

### 'Rastiyan berovajî dikin'

Kalkan îdiayên der barê windahiyan gerîla de jî derew derxistin û got: "Ji ber operasyonan me jî şehîd dan. Windahiyan artêşa tirk ji yêrî me gelek zêde ne. Me şehîdek li Zagrosê û 5 şehîd jî li Botanê dan. Di adarê de jî, me şehîdek li Mêrdînê dabû, yanî hejmara şehîdên me yêrî mehên zivistanê tev 7'în. Hejmara artêşa tirk dide derew in û armanca wan psikolojîk e."

Kalkan anî ziman ku gerîla li gorî biryara KCK'ê ya bêçalakîtiya leşkerî tevdiqere û got: "Hemû yekîneyên me xwedî agahî ne. Pêwîstiya biryarê bi cih tînin. Lê belê Artêşa Tirk guh nade û hewl dide biryarê sabote bike. Aqûbeta biryara me ya ji niha û pê ve jî, girêdayî rewşa dewleta tirk e." BEHDÎNAN / ANF

## Serbixwe dikevin hilbijartinan

Partiya Çareserîya Demokratîk a Kurdistanê (PÇDK) daxuyand ku dê bi komek kesayet û rêxistinên sîvil ên civakî re bi listeya serbixwe beşdarî hilbijartinê bibe.

PÇDK'ê tîkildarî mijarê li Otêla Avaşîn a Hewlêrê civînek çapemeniyê li dar xist. Di civîna ku çapemeniyê eleqeyek mezin nîşan da de, Serokê Giştî yê PÇDK'ê Diyar Xerîb, 111'êmin salvegera roja roj-namegerîya kurdî pîroz kir û dest bi axaftina xwe kir. Xerîb, da zanîn ku PÇDK amadekariyên xwe yêrî ji bo hilbijartinên Parleman-toya Kurdistanê dimeşîne û wiha dom kir: "Beşeke mezin ên welatîyên Herêma Kurdistanê hêvî dikin ku hilbijartinê re li ber pêşveçûna demokrasîyê vekin. Ew jî wekî PÇDK'ê di wê baweriyê de ku, tenê bi rîya hilbijartinê, destkeftiyên gelê Kurdistanê dikarin bîne parastin û pêşve birin. Lewre jî em hilbijartinê ji bo hêviya gel, wekî derfetekê dibînin."

Xerîb, derbirî ku PÇDK dê bi komek kesayetî û rêxistinên sîvil re bi listeyek serbixwe ya bi navê 'Lîsa Hîwa' û bi diruşma "hîwa ji serkeftinê binirxir e" beşdarî hilbijartinên Parلمانtoya Kurdistanê bibe û wiha pê de çû: "Lê dîsa jî deriyê me jî bo listeya hevbeş vekirîye."



Diyar Xerîb, anî ziman ku ew hêvî dikin ku hem

Komîsyona Bilind a Hilbijartinan, hem jî Hikûmeta Herêma Kurdistanê ji bo hilbijartin bi awayekî demokratîk derbas bibin, di nava xebatan de bin.

Xerîb, da zanîn, wekî di çapemeniyê de jî hate weşandin, Tirkiyeyê xwestiye ku PÇDK bê astengkirin û wiha dirêjî da axaftina xwe: "Em vî yekê wisa dihesibînin ku dixwazin PÇDK'ê asteng bikin ku tevî hilbijartinan nebe." Xerîb, derbirî ku wan serî li Komîsyona Bilind a Hilbijartinan daye û got: "Komîsyonê diyar kir ku heta niha der barê astengkirinê de tiştek ji wan re nehatiye gotin. Di sala 2005'an de jî xwestin, em beşdarî hilbijartinê nebin, lê nekarîn ser bi kevin û em beşdarî hilbijartinê bûn." HEWLÊR

## 'Çalakiyên me yêrî demokratîk dê bidomin'

Çalakiya rûniştinê ya parlamenterên DTP'ê ku bi armanca şermezarkirina operasyona li hemberî partiya xwe li parlamentoyê dabûn destpêkirin duh saet di 08.00'ê de dawî bû. Lê çalakiyên DTP'ê dê bidomin.

Parlamenterên DTP'ê ku bi armanca şermezarkirina operasyona li hemberî partiya xwe şermezar bikin şevtira din li parlamentoyê çalakiya rûniştinê pêk anî. Hevserokên DTP'ê Ahmet Turk, Emîne Ayna jî di nav de 21 parlamenterên DTP'ê Parlamenterê ODP'ê yê Stenbolê Ufuk Uras jî tevî çalakiyê bû. Çalakiya rûniştinê duh saet di 08.00'an de bi dawî bû. Hevseroka DTP'ê Emîne Ayna ku piştî civînê daxuyaniyek kurt da, ji bo hevalên wan ên piştigirî dane çalakiyê, xebatkarên komê yêrî piştigirî dane û ji endamên çapemeniyê re spas kir. Ayna, destnîşan kir ku bi armanca serbestberdana hevalên wan û şermezarkirina operasyona li hemberî DTP'ê çalakiya rûniştinê li dar xistine û wiha got: "Heta hevalên me bîne berdan dê çalakiyên me yêrî demokratîk dom bikin."

Di çalakiya rûniştinê ku pêr êvarê saet di 23.15'an de piştî hevditinên tîkildarî pêşnumeya qanûnê ya tîkildarî l'ê Gulanê bi dawî bûn dest pê kir de dimênên rengîn derketin pêş. Piştî destpêkirina çalakiyê piştigirîya parlamenterên jin û henekên siyasi bal kişand. Ji bilî pêdiviyên zarurî yêrî wekî çay, cigarê parlamenteran dema xwe hemû li salona Meclîsê derbas kir. Hevserokê DTP'ê Ahmet Turk ku di saetên êvarê de ziyareta xwe ya li derveyî welat bi dawî kir û hate Tirkiyeyê, ligel ku westiyayî bû dîsa jî heta saet 03.00'yê şevê li parlamentoyê ma û piştigirî da hevalên xwe. Turk li ser irsara parlamenteran din ên DTP'î jî parlamentoyê derket.



Parlamenterê ODP'ê yê Stenbolê Ufuk Uras jî bi DTP'îyan re heta sibehê me.

### Ji çalakiyê çend not:

✓ Piştî çalakiya rûniştinê dest pê kir bi 15 deqeyan Serokê Parlamentoyê Koksâl Toptan, bi Amîrê Îdarî yê AKP'ê Parlamenterê Semsûrê Husrev Kutlu re hate Salona Parlamentoyê û parlamenterên DTP'ê ziyaret kir. Toptan ku piştî 5 deqeyan ji cem DTP'îyan veqetiya hate hîn bûn ku Toptan ji xwest ku DTP'î dawî li çalakiya xwe binin.

✓ Ji ber çalakiya rûniştinê li Salona parlamentoyê û kulîsan 10 polîsên sîvil hatin peywirdarkirin. Polîs jî bi çalakvanan re heta sibehê man.

✓ Li ber parlamentoyê ambulans, bi-jîşk û hemşîre amade bûn.

✓ Hate dîtin ku parlamenterên DTP'ê

yêrî dema çalakiyê de car caran derdiketin kulîsê gelekî bi moral bûn.

✓ Parlamenteran di çalakiyê de dema xwe bi zêdeyî bi sohbetê, xwendina roj-name û pirtûkan derbas kirin.

✓ Emîne Ayna dema ku çalakiya bi dawî bû û ji salonê veqetiya bi destê polîsên peywirdar girt û spas kir. Ayna, dema ji parlamentoyê veqetiya diyar kir ku dê sibê bi meclîsa giştî ya partiye re nîrxandinek hîn berfirehtir bikin.

✓ Kamerayên TRT'ê yêrî bicihkirî yêrî li parlamentoyê bi hinceta "ewlekariyê" heta sibehê vekirî hatin hiştin. Qeyda DTP'î heta sibehê bi kamerayan hatin şopandin hate girtin. Amîrê Îdarî yê Nobedar Husrev Kutlu, berî çalakiya dest pê bike diyar kir ku dê kamera vekirî bin û ji bo vî yekê agahî da DTP'îyan. ENQERE / DÎHA

Serokê Parlamentoyê Koksâl Toptan xwest DTP'îyan ji bo betalkirina çalakiyê îkna bike. Lê serkeftî nebû.





# DTP'ê 23'yê Nîsanê protesto kir

Partiya Civaka Demokratîk li hemû bajar, navçe û bajarokên ku şaredariyên wan di dest de ne pîrozbahiyên 23'yê Nîsanê protesto kirin. DTP'ê bi daxuyaniyê nivîskî anî ziman ku ji ber pêkutiyên li ser partiya wan û girtina zarokan tevli pîrozbahiyên nebûne

DTP'ê bi boneya 23'yê Nîsanê Cejna Zarokan û Desthilatdariya Neteweyî daxuyaniyê nivîskî da û ragihand ku bi armanca şermezarkirina AKP'ê beşdarî pîrozbahiyên 23'yê Nîsanê nabin.

Navenda Giştî ya DTP'ê bi boneya 23'yê Nîsanê Cejna Zarokan û Desthilatdariya Neteweyî daxuyaniyê nivîskî weşand. Di daxuyaniyê de hate bibîrxistin ku ev cejn di atmosfereke demokrasî û azadî li welat bi cih nebûne de pêk tê.

Di daxuyaniyê de hate destnîşan kirin ku 23'yê Nîsanê di rewşek xemgînî de tê pêşwazîkirin û wiha hate gotin: "Li aliyekê beşa civakê ya di avakirina komarê de kedek mezîna dayî ji ber krîza aborî rojên dijwar dijî û bi xizanî û birçîbûnê re rû bi rû ye. Li aliyê din iktîdara otorîter, neteweperest û şoven a azadiyê ji hemwelatîyan re zêde dibîne heye. Îradeya gel tune tê hesibandin û giringiya Meclîsê hindî diçe kêm dibe. Vesayeta leşkerî zêdetir dibe û desthilatdariya li ser gel dijwar dibe. Bi taybetî di dema Hikûmeta AKP'ê de meclîs hatiye baypas kirin û polîtîkayên şidetê û neteweperestiyê ketine rojevê."

### 'Pêkutî zêde dibin'

Di daxuyaniyê de hate bibîrxistin ku bi operasyona li ser DTP'ê îradeya gel tê bînpêkirin û bi awayekî bêrêz êrîşên lidarxistin. Di daxuyaniyê de wiha tê gotin: "Em hêvî dikin ku 23'yê Nîsanê bibe wesîle ku pergal xwe di ber çavan re derbas bike û dawî li ser zordariya li hemberî civakê dimeşîne bîne. Ev cejn diyarî zarokan hatiye kirin. Ji ber vê yekê gelek giring e. Li aliyekê ji çar aliyên cihanê zarok ji bo vê cejnê tîna vexwendin lê zarokên kurdê ve cejnê di girtîgehê de derbas dikin. Ev bêdadî û zordariya li ser zarokên kurdan tê meşandin di dema AKP'ê de derketiyê asta herî jor." Di daxuyaniyê de hate diyarkirin ku ji bo şermezarkirina van pêkanînan wekî DTP beşdarî pîrozbahiyên nabin. ENQERE / DÎHA

## Şaredarên DTP'î tevli pîrozbahiyên 23'yê Nîsanê nebûn

Şaredarê Bajarê Mezin ê Amedê

Osman Baydemîr ji di nav de şaredarên DTP'î ku li hemberî girtin û operasyona li hemberî DTP'ê nerazîbûn nişan dan, tevli pîrozbahiyên 23'yê

Nîsanê nebûn.

Hemû şaredarên li Amedê, Şirnex, Mêrdîn, Riha, Çewlik, Sêrt û Êlihê yên DTP'î ku li hemberî operasyon û girtinên li dijî DTP'ê nerazîbûn nişan

dan, li ser biryara ji aliyê Navenda Giştî ya DTP'ê hate girtin tevli pîrozbahiyên 23'yê Nîsanê nebûn. Di pîrozbahiyên de cihê di protokolê de ji bo şaredaran hatibû veqetandin vala

man. Di pîrozbahiyên de ji bo welatîyan silav bikin li bajarên walî û fermandarên garnîzonan, li navçeyan ji qaymeqam û fermandarên garnîzonan amade bûn. AMED



## Zarok neçûn merasîmê betal bû

Li tevahiya Tirkiyeyê ku ji Cejna Newrozê û vir de zarokên tîna bîncavkirin û girtin, li Colemêrgê zarokên xwe neşandin merasîma Cejna Zarokan a 23'yê Nîsanê. Ji ber vê yekê merasîma 23'yê Nîsanê ya li Stadyuma Colemêrgê pêk hatî, becoş derbas bû. Li bajêr ku esnafan derabeyên xwe venekirin, rêveberên DTP'ê û We-

kîlê Şaredarê Colemêrgê Metin Kazandioğlu ligel hatibûn vexwendin ji bi armanca protestokirina operasyona li dijî DTP'ê, beşdar nebûn. Her wiha ji ber malbatan zarokên xwe neşandin merasîmê, xwendekar pir kêm bûn, meşa di merasîmê ya her salê kirin ji, nehate kirin. Helwesta zarokan ji bo dewletê bû şokeke mezîna...

### Li Colemêrgê esnafan dikan venekirin

Li Colemêrgê di saetên serê sibê de di dema pîrozbahiyên 23'yê Nîsanê dest pê kirin de tevahiya esnafan dikan girtin.

Li Colemêrgê ku bi boneya şermezarkirina operasyona li dijî DTP'ê bi hefteyan e çalakiyê didomin, îro ji bi venekirina darabeyan operasyon şermezarkir. Di saetên serê sibê de dema pîrozbahiyê 23'yê Nîsanê dest pê kirin, tevahiya dikanan girtin bûn. Li ser girtina dikanan ji li gelek deverên cuda yê bajar girse gihîştin hev û operasyona li dijî DTP'ê şermezarkirin. Ligel xwepêşandanan polis û leşkeran ji tedbîr girtin. COLEMÊRG

# Ji DTP'ê protestoya 23'ê Nîsanê

DTP'iyên şaredarên partiyê jî di nav de bi armanca şermezarkirina darizandina zarokên kurd a li Dadgehên Cezayên Giran beşdarî pîrozbahiyên 23'yê Nîsanê nebûn û bi daxuyaniyan polîtîkaya Hikûmeta AKP'ê şermezarkirin.

**AMED:** Şaredarên DTP'ê bi armanca şermezarkirina operasyona li ser partiya xwe li ber DTP'a Amedê daxuyaniyê dan çapemeniyê. Baydemîr û 18 şaredarên navçe û bajarokan beşdarî daxuyaniyê bûn. Di daxuyaniyê de sloganên, "Zordarî me bêzar nakin", "PKK gel e, gel li vir e", "Bijî Serok Apo" hatin avêtin. Serokê DTP'a Amedê Alî Şimşek diyar kir ku di 23'yê Nîsanê de jî Tirkiye ji demokrasî û azadiyan durr derbas dike û wiha axivî: "Ji ber vê yekê ev 23'yê Nîsanê jî hemû dema zêdetir bi xemgînî derbas dibe. Li aliyekê beşa civakê ya di avakirina komarê de kedek mezîna dayî ji ber krîza aborî rojên dijwar dijî û bi xizanî û birçîbûnê re rû bi rû ye. Li aliyê din iktîdara otorîter, neteweperest û şoven a azadiyê ji hemwelatîyan re zêde dibîne heye. Îradeya gel tune tê hesibandin û giringiya Meclîsê hindî diçe kêm dibe. Ji bo

şermezarkirina van pêkanînan em beşdarî pîrozbahiyên 23'yê Nîsanê nabin."

**ŞIRNEX:** Di daxuyaniya li ser DTP'a Bajarê pêk hat de Serokê DTP'ê Halil İrmez, Şaredarê Şirnexê Ramazan Uysal, şaredarên navçe û bajarokan û ligel rêveberên DTP'ê bi sedan kes amade bûn. Di daxuyaniyê de sloganên, "Zordarî me bêzar nakin" û "Bila destên dirêjî aştiyê dibin bişkên" hatin avêtin. Şaredar Uysal diyar kir ku Tirkiye di atmosfereke jî durî aştiyê û azadiyê de pêşwazî dike wiha axivî: "Em hêvî dikin ku 23'yê Nîsanê bibe wesîle ku pergal xwe di ber çavan re derbas bike û dawî li ser zordariya li hemberî civakê dimeşîne bîne. Ev cejn diyarî zarokan hatiye kirin. Ji ber vê yekê gelek giring e."

**RIHA:** Şaredarên navçe û bajarokan, endamên meclîsên şaredariyê, rêveberên DTP'ê û bi sedan kes li ber DTP'a Rihayê daxuyaniyê dan çapemeniyê. Komê panparta navê 51 endamên DTP'ê yê li Amedê hatine girtin li ser heyî ya reş bi avahiya partiyê ve daliqandin. Serokê DTP'a Rihayê İbrahim Ayhan, Şaredarê Wêranşêrê Leyla Guven, Şaredarê Serêkaniyê İsmail

Aslan, Şaredarê Pirsûsê Ethem Şahin, Şaredarê Aligorê İbrahim Parildar, Şaredarê Gokluyê Bazo Yılmaz û bi sedan kes beşdar bûn.

**ÊLİH:** Bi beşdariya Serokê DTP'a Êlihê Ozcan Erdem, Wekîla Şaredarê Êlihê Nergîs Ekinci, Şaredarê Bekîrhanê Selahattin Karabulut, rêveberên DTP'ê, endamên meclîsên şaredariyê, nûnerên rêxistinên civakî û bi sedan kes li ber avahiya DTP'a Êlihê daxuyaniyê hate dayîn. Wekîla Şaredar Nergîs Ekinci bal kişand ser zordariyên li ser gel tîna meşandin, karaktere antî demokratîk a pergalê û xwest ku dawî li iktîdara otorîter, nijadperest û şovenîst bibe.

**SÊRT:** Li Sêrtê jî bi armanca şermezarkirina operasyona li dijî DTP'ê pankarta reş a bi sernavê, "Em girtinan şermezarkirin dikin û li cem hevalên xwe ne" a navên 51 DTP'iyên li ser bi avahiya partiyê ve hate daliqandin. Serokê DTP'a Sêrtê Abdurrahman Taşçi, Şaredarê Sêrtê Selim Sadak û şaredarên navçe û bajarokan ên DTP'ê, rêveberên İHD'ê û bi sedan kes beşdarî daxuyaniyê bû. Sadak daxuyaniyê xwend û operasyona li dijî DTP'iyên şermezarkirin.

**WAN:** Li ber avahiya DTP'ê ya

Wanê daxuyaniyê hate dayîn. Serokê DTP'a Wanê Selim Ertaş, Şaredarê Wanê Bekîr Kaya, şaredarên navçe û bajarokan, endamên meclîsa şaredarî û meclîsa giştî ya bajar û rêveberên DTP'ê beşdar bûn.

**ÎDIR:** Bi beşdariya Serokê DTP'a İdirê Ahmet Barbaros, endamên meclîsa giştî ya bajar û meclîsa şaredariyê beşdarî daxuyaniya li ber avahiya DTP'ê pêk hatî bûn. Serokê Rêxistina DTP'ê ya İdirê Ahmet Barbaros diyar kir ku wesayeta leşkerî li Tirkiyeyê berdewam dike û Meclîs hatiyê baypas kirin. Barbaros darizandina zarokên kurdî ya li Dadgehên Cezayên Giran jî şermezarkirin û xewst ku dawî li vê bêdadiyê bibe.

**MÛŞ:** Di daxuyaniya li avahiya DTP'ê ya Mûşê pêk hatî de Serokê DTP'ê Maşallah Yamaş, şaredarên Gimim, Kop û Melazgirê, endamên meclîsa giştî ya bajar û meclîsên şaredariyê û gelek kes beşdar bûn. Di daxuyaniyê de sloganên, "Hêza DTP'ê ya gel e" û "Zordarî me bêzar nakin" hatin avêtin. Li ser navê koma dowîzên, "DTP gel e gel li vir e" û "Bimire DYA hevkarê wê AKP" hildan. Şare-

darê Yemişena navçeya Kopê Alî Haydar Aydın daxuyaniyê xwend û diyar kir ku îradeya gel ji hêla AKP'ê ve tune tê hesibandin.

**QERS:** Li ber avahiya DTP'a Qersê daxuyaniyê hate dayîn. Serokê DTP'ê Veli Mukyen, endamên YDG-M'ê û gelek kes bi pankarta, "Tevgera Civanên Demokratîk" heta Rawestgeha Dîgorê meşiya. Di meşê de sloganên, "Zordarî me bêzar nakin" hate avêtin. Serokê Rêxistina DTP'ê Veli Mukyen diyar kir ku bi dehan zarokên kurd hatine bîncavkirin û girtin, ji ber vê yekê beşdarî pîrozbahiyên 23'yê Nîsanê nabin.

**İZMİR:** Komek endamên DTP, İHD, İnsiyatîfa Dayikên Aştiyê û gelek saiyên din li ber avahiya DTP'a Bayraklıyê hatin cem hev. Girseya 5 deqeyan çalakiya rûniştinê li darxist bi sloganên, "DTP gel e, gel li vir e", "Pêkutî me bêzar nakin", "Şer na aşti nîha" zordarî protesto kirin.

**MÊRSİN:** DTP'a Mersînê jî li ber avahiya partiyê daxuyaniyê dan çapemeniyê. Serokê DTP'a Mersînê, serok û rêveberên navçeyan û gelek kes beşdarî daxuyaniyan bûn. Serokê DTP'a Mersînê Ramazan Ekinci bal kişand ser zarokên kurdan ên li Dadgehên Cezayên Giran tîna darizandin û diyar kir ku ev encama polîtîkaya îhma û înkara kurdan e. DÎHA



# Li Kurdistanê durûtiya RSF'ê

RSF di salvegera rojnamegeriya kurd de bal kişand zextên li ser rojnamegeriya Herêma Federal a Kurdistanê û bînpêkirina mafan yek bi yek rêz kir, lê rewşa bakurê Kurdistanê ji neditî ve hat

Rêxistina Sînornenas a Navneteweyî (RSF) li ser salvegera rojnamegeriya kurd a di 22'yê nîsanê de daxuyaniyek da û zextên li Herêma Federal a Kurdistanê ya li ser azadiya çapemeniyê rexne kir. Lê balkêş e ku zextên bê sînor li bakurê Kurdistanê ji aliyê Dewleta Tirk ve li ser azadiya çapemeniyê tê kirin ji neditî ve hat. Her wiha li rojhilatê Kurdistanê zextên Dewleta Îranê û li başûrojavayê Kurdistanê ji yê Sûriyeyê hene.

Li Parisê navenda RSF'ê li ser mijarê daxuyani hat dayîn. Di daxuyaniyê de tê gotin ku piştî Dewletên Yekbûyî yê Amerîkayê (DYA) Iraq dagir kir û şûn ve Herêma Federal a Kurdistanê ji şer û pevçûnê xedar hat parastin. Lê li vê herêmê li ser azadiya fikr û ramanê gelek bînpêkirina mafan pêk hat. RSF destnîşan dîke ku li herêmê azadiya çapemeniyê di bin tehdîdê de ye û destnîşan kir ku rojnamegerên xweser li hemberî vê hevkarîya xwe xurt dikin.

RSF diyar dîke ku rojnameger li herêmê pirtir ji ber agahiyên nelirêtiyan û agahiyên li ser rêveberiya herêmê dibin hedef. Dema ev agahî di çapemeniyê de tê weşandin rojnamegerên bîpîrsên nûçeyan dibin hedef. Ji bo vê minaka qetilkirina Soran Mama Hama (23) tê dayîn. Hama roja 21'ê tîrmeha 2008'an de di mala xwe de tê kuştin. RSF dîde zanîn ku ligel bertekên



wan û hêzên navneteweyî yê din li ser mijarê lêpîrsin nehat kûrkirin.

Bûyerên li dijî azadiya çapemeniyê li Herêma Federal a Kurdistanê pêk hatine yek bi yek hatine rêzkirin ji ber vê

hatiye xwestin ku tedbîr bînin girtin.

Ev nîrxandin, rexne, şermezari û xwestina girtina tedbîran di cih de ne û divê bê navber bîne kirin. Lê divê cîhekari û durûtî neyê kirin. Bînpêkirina

mafên azadiya çapemeniyê yê hin deveran bê dîtin û yê hin herêman neyê dîtin nabe. RSF jî wisa kirî. Hêvî ev bû ku bînpêkirina mafên azadiya çapemeniyê ya çar parçeyên Kurdistanê di vê roja girîng a rojnamegeriya kurd de ji hemû aliyê xwe ve bihata dîtin û di raporê de cih bigirta.

Bînpêkirinên li bakurê Kurdistanê sînor nas nakin. Lê RSF li vir sînor nas dîke û sînor datîne. Sînornenasîya xwe li vir radiwestîne û girtina rojnameyan, sansûrkirina malperan, binçav û cezakirina rojnamegeran nabîne. Ev çîqas li gorî ruhê Rojnamegeriya Sînornenasîya Navneteweyî ye?

Li bakurê Kurdistanê yekane rojnameya kurdî a rojane Azadiya Welat ev 4 car in ku tê girtin. Dibe ku carek ji berçav bîre û neyê dîtin. Lê 4 car... Heke ev her 4 car jî ji aliyê RSF'ê ve neyê dîtin navê wî divê bê lêkirin. Ev nav jî navê 'sînor naskirin'. Di tîkoşîna azadiya çapemeniyê de 'naskirina sînoran' divê tune be. Daxwaza me rojnamegerên bakurê Kurdistanê jî ev e. Belê rojname, TV, radyo, kovar û hwd. yê weşana kurdî dikin rastî zext, girtin, cezakirina girtîgeh û pereyên bê hesab tînin; daxwaz ev e ku li gorî krîter û etîka rojnamegeriya Sînornenas ev jî bîne dîtin.

HEQÎ BOLTAN AMED

## Iraq xeta neftê ya Sûriyeyê jî nû ve vedike

Serokwezîrê Iraqê Nûrî El Malîkî diyar kir ku lûleya neftê ya ji Iraqê diçe Sûriyeyê jî nû ve vedikin.

Malîkî daxuyaniya ser mijarê ligel Serokwezîrê Sûriyeyê Nacî Otrî da. Serokwezîrê her du welatan piştî hevdîtina li Bexdayê di daxuyaniya hevpar ya çapemeniyê de diyar kirin ku wan li ser vekirina xeta lûleya neftê ku ji Iraqê diçe Sûriyeyê li hev kirine. Li gorî vê xet jî nû ve tê tamîrkirin û piştî tamîrê dê bê vekirin. Xeta luyeyê ya neftê ji Iraqê tê di ser Sûriyeyê de neft diçe Derya Spî. Heke ev xet bê vekirin kontrola Amerîkayê ya li ser nefta Iraqê lawaz dibe û destê Sûriyeyê yê li Rojhilata Navîn dê xurt bibe. Her wiha bandora vê xetê dê li ser xeta lûleyê ya ji Kerkûkê dertê û di ser Kurdistanê û Tirkîyeyê de dadîkeve Derya Spî zêde bibe.

Nûrî El Malîkî destnîşan kir ku aliyên li ser neft, enerjî û bazirganiyê peymanî stratejîk mohr kirine. Serdana Serokwezîrê Sûriyeyê di nav 30 salên dawî de serdana herî payebilind e ku pêk hatiye.

Têkiliyên Sûriye û Iraqê di sala 1980'î de xera bû. Di heman demê de li her du welatan jî partiyên Baas ên rakibên hev bûn desthilat û di nav wan de dijberî kûr bû. Têkiliyê nav her du welatan jî sala 2006'an û şûn ve ber bi başiyê ve diçe. BEXDA

## DYA'yê bi zimaneke tund Pakistan rexne kir

Wezîra Karên Derve ya Amerîkayê Hillary Clinton Hikûmeta Pakistanê ya ku li herêma Malakandê bi Talîbanan re peymanek çêkirîye bi zimaneke tund rexne kir. Clinton da xuyakirin ku hikûmeta Pakistanê xwe teslîmî Talîban û eşîrên derdora wê kiriye.

Clinton di kongreya komisyona karên derve de ev axaftin kir û der barê vê peymanê de wiha axivî: Ev guhartina di siyaseta hikûmeta Pakistanê de pêk hatî jî bo ewlekariya cîhanê wekî talûke û tehdîdeke mezin e.

Ji aliyekî din ve Balyozgerê Pakistanê yê Washingtonê Huseyin Hakkani anî ziman ku ew tevli daxuyani û metirsiyên Clintonê nabe û wiha pê de çû: "Em qebûl dikin ku tîkiliya bi Talîbanan re bi serê xwe probleme; lê ew ne wekî ku Clinton dibêje, 'meseleyeke man û nemanê' ye."

Her wiha Hakkani anî ziman ku artêşa Pakistanê di wê hêzê de ye ku bikaribe li hemberî Talîban şer bike lê ev yek bi riya gefên hêzên derve pêk naye, ev bi îradeya Pakistanê ya serbixwe dikare pêk were.

Berî demekê jî hatibû ragihandin ku Talîban li Dola Sewadê ya bakurê Pakistanê ku di bin kontrola xwe de ye berfireh kiriye.

Li gorî bîpîrsiyarên herêma Bunerê ku 100 km dûrî paytexta Pakistan Îslamabadê ye, millîtanên ku ji Malakandê û Dola Sewadê derbasî herêmê bûne noçteyên kontrolê avakirina û li deverê dewriye pêk tînin.

Nerazîbûnên li dijî peymanê Makaland ya ku di navbera Serokomar Asif Ali Zerdari û talîbanan de çêbûye jî der û hundir her ku diçe zêde dibin. NEW YORK

## Kerkûkê wek herêma kurdan nabîne

Neteweyên Yekbûyî (NY) duh rapora xwe ya li ser mijarê herêmên bi nakok, Kerkûk jî di nav de jî bo bîpîrsiyarên Iraqê pêşkêş kir. Ev rapora ku çavê her kesî li hêviya wê bû, behsa herêmên ku dê tevli Herêma Federal a Kurdistanê bibe nehate kirin.

Rapora jî alî UNAMI ya ku li Iraqê misyona NY'ê dike hatiye amadekirin. Pêr ev rapor jî alî Nûnerê taybet ê Iraqê yê Sekreterê Giştî yê NY'ê Staffan de Mistura ligel Serok û 2 çîgirê serokê Konseyê ev rapora radestî Hikûmeta Federal a Kurdistanê hate kirin. hate zanîn ku rapor der barê herêmên bi nakok ên bakurê Iraqê (Herêma Federal a Kurdistanê) de hatiye amadekirin.

Di daxuyaniya nivîskî a NY'ê de hatiye destnîşankirin ku "UNAMI der barê parêzgeha Kerkûkê de 4 pêşniyar hatine şîrovekirin" Her çar pêşniyar jî

Kerkûkê wekî yek nasnametî dibîne û tu pêşniyarên jî bo parvekirina vê herêmê di nava van her çar pêşniyaran de tune ne.

Tê gotin ku pêşniyarên NY'ê bîngeha xwe jî makezagonên Iraqê digire û tê gotin ku pêwîst e di vê der barê de di nava aliyên de lihevkerin pêk were û rengê referandûmê aşkera bibe. Her wiha agahiyên der barê 4 pêşniyaran de cih digire.

Madeya 140 a makezagonên Iraqê rê dîde referandûma Kerkûk a xwedî 900 hezar nîfûs lê ev zagon heta niha di pratîkê de nehateye pêk anîn.

Di daxuyaniyê de hate destnîşankirin ku ji bo ev kar baş bimeşe zêdeyî salekê xebat hatine kirin û ew wekî parçeyekî ji karê UNAMI'yê ye ku li gorî biryara 1770 û 1830 ya Konseya Ewlekariyê tevgeriyaye.

Hê jî der barê 'herêmên bi nakok' ku jî 12 herêman pêk tê û Kerkûk jî di nav de ye û rastî siyaseta erebkirinê ya Sedam Huseyin hatibûn, tu lihevkerin di vê der barê de nehateye misogerkirin.

Ev rapora ku ji pêşniyarên NY'ê pêk tê jî alî 15 diplomat, mamosteyên zanîngehan û dîrokzanan ve jî sala 2008'an ve hatibû dest pê kirin û amadekirin. BEXDA - ANF



## Bîranîn

"Weleh keçik e bileh keçik e sola wê sor e pahnî bike qemçik e Dikim ramûsim keçik biçûk e" Mamosteyê hêja em te ji bîr nakin

Rêveber û xebatkarê komala çand û hunerê ya Dicle û firatê

M. Selim Çevik 23.04.2005

## Tirkiye û Ermenistanê li hev kir

Wezareta Karên Derve ya Tirkîyeyê û Ermenistanê di heman demê de bi daxuyaniyan aşkera kirin ku jî bo lihevkerina Tirkîye û Ermenistanê li ser planekê li hev kirine. Di daxuyaniya Wezareta Tirkîyeyê de plana mijarê gotinê wek 'nexşeriya lihevkerinê' hatiye bînavkirin. Hat vegotin ku plan berfireh e û dê her du aliyên jî bextewar bike. Balkêş e daxuyaniya Wezareta Ermenistanê jî di heman naverok û çarçoveyê de hat dayîn.

Têkiliya navbera Tirkîye û Ermenistanê bi navbeynkariya Swîsreyê tê meşandin.

Di daxuyaniyên ku li herdu paytextan de jî zimaneke veşartî hatiye bikaranîn û agahiyên berfireh nehatine vegotin.

Berdevkê Karên Derve yê Amerîkayê Robert Wood da zanîn ku Washingtonê ev demekê dirêj e ku dixwest navbera Tirkîye û Ermenistanê çêke. Hat vegotin ku Amerîka dixwaze

ligel her du welatan jî bo pêkanîna aştiya navbera aliyên bixebite. Di navbera Ermenistan û Tirkîyeyê de tîkiliyên diplomatîk ligel ku nîn e jî li pişt deriyên diplomatîk bi awayê veşarî hevdîtin tîne kirin. Sînorê navbera Tirkîye û Ermenistan jî ber şerê navbera Ermenistan û Azerbaycanê ya sala 1993'an jî aliyê Tirkîyeyê ve jî bo ku alîkariya Azerbaycanê bike girt.

Lê Azerbaycan jî ber vê pêvajoya ku di pêşengiya Amerîkayê de berbihev hatina Tirkîye û Ermenistanê nerazîbûnek tund nîşan dide. Helwesta Tirkîyeyê li dijî Azerbaycanê wek îxanetê mezin bi nav dîke.

Li ser vê tîkiliyên xwe yê bi Tirkîye û Amerîkayê di ber çavan de derbas kir û berê diplomatîya xwe da Rûsyayê. Ev jî dê destê Rûsyayê ya li Qafqasyayê xurtir bike. Ji ber vê Amerîka û Tirkîye jî ber ku destê wan dê li Qafqasyayê lawaz bibe ketina nav fikaran. ENQERE

## Li Iraqê 73 kes hatin kuştin

Li bajarê Bexda û Bakubaya Iraqê du teqînên întiharî pêk hatin û bi giştî 73 kes hatin kuştin. Balkêş e ku ev teqîn di saetên îlan-kirina girtina liderê El Qaidê de pêk hatin.

Di teqîna Bakubayê de pirtirên wan şiyên Îranê 45 kes û di teqînên Bexdayê de jî 10 jê polis 28 kes hatin kuştin û 52 kes jî birîndar bûn. Berdevkê Artêşa Iraqê got ku liderê El Qaidê yê Iraqê Omer El Bexdadî hat girtin. BEXDA



# Hilbijartina muxtariyê bû sedema kuştina wê

Nîqaşên bira, kur û hevser bû sedema mirina Ayşe Baranê. Piştî ku hevser û kurê wê muxtarî winda kir zext û zordariya li ser wê zêde bûye. Hate îdiakirin ku Baran ji ber nîqaşan dawî li jiyana xwe aniye

Li gundê Gelincika navçeya Pîrana Amedê jina bi navê Ayşe Baran (62) bû qurbana rikeberiya hilbijartina muxtariyê ya di navbera hevser û kurê xwe de. Piştî di hilbijartinê de birê wê wekî muxtar hate hilbijartin hevserê wê û kurê wê bi kêran êriş birin ser birayê wê. Her wiha di heman demê de zordariyên li ser Baran ji zêde bûn. Cenazeyê Baran li rex Cemê Dicleyê hate ditin.

Li gundê Gelincika navçeya Pîrana Amedê birayê Ayşe Baran Hikmet Babûr û kurê Baran Nevzat Baran di hilbijartina 29'ê Adarê de bûn berendamên muxtariya gund. Piştî hilbijartinê birayê Ayşe Baran, Hikmet Babûr bi ser ket û bû muxtarê gund. Piştî kurê Ayşe Baran, Nevzat Baran hilbijartin winda kir zext û zordariya li ser dayika xwe zêde kir. Hate hînbûn ku kurê Ayşe û hevserê wê roj bi roj êriş li ser wê zêde kirine. Ayşe Baran, roja 20'ê nîsanê mala xwe terk kir û dawî li jiyana xwe anî. Li ser vê yekê roja 21'ê nîsanê birayê wê bi-hîst ku xwişka wî mal terk kiriye û ketin nava lêgerînê. Piştî lêgerînê

cenazeyê Ayşe Baran li rex Cemê Dicleyê ditin û rakirin nexweşxaneyê Dewletê ya Amedê. Sedema mirina Ayşe Baran piştî rapora otopsiyê dê zelal bibe.

## 'Çû pincaran kom bike'

Muxtarê gund û birayê Ayşe Hikmet Babûr, anî ziman ku dema xwişka wê winda bû ew li navçeya Dicleyê bû. Babûr, diyar kir ku dema ew li navçeya Dicleyê bû agahî jê re hat û li ser agahiyê li melayê gund geriyaye û xwestiye lêkolîn bike. Babûr wiha axivî: "Ez li mela geriyam, got agahiya min ji jê tune. Piştê ez li biraziye xwe ye ku endamê muxtariyê bû geriyam. Biraziye min ji min re got, 'Çûye pincaran kom bike. Lê hûn digerin nagerin hûn bi kêfa xwe ne.' Ji min re negotin me nîqaş kiriye û derew kir. Min hinekî din zor lê kir piştê ji min re got, 'Me li malê nîqaş kir û piştê ji malê derket'. Li ser vê yekê me serî li dozgerî û leşkeriyê da. Em wê şevê lê geriyam. Serê sibê me cesedê xwişka xwe li rex bendava Cemê Dicleyê dit."



Ayşe Baran

## Agahî nedan

Babûr, destnîşan kir ku ligel xwişka wê winda bû dîsa kurê wê û hevserê wê ne agahî dane wan û ne ji li xwişka wî geriyane. Babûr, daxuyand ku ew ê li zavayê xwe gilî bike û wiha axivî: "Piştî ez bûm muxtar, zavayê min û biraziye min zext û zora li ser wê zêde kirin. Ji xwişka min re gotin 'Bi-

## Li Soran jineke 23 salî xwe şewitand

Li bajarê Soran, li nêzikî Rewandîzê jineke xwe şewitand. Li gora îdiaya agahdariyê nexweşxaneyê Soran, jina 23 salî ji ber sedemên psikolojîk û pirsgerêkên derûnî xwe şewitand. Berpirsiyarekî polîsan diyar kir ku jina kurd ya bi navê Kinêr, ketiye depresyonê û xwe şewitand. Hate ragihandin ku pirsgerêkên malbatî bûye sedema vê bûyerê. 2 zarokên wê hene û rewşa wê di metirsiyê de ye. HEWLÊR

rayê te muxtarî ji destê me girt, divê tu bi wî re neaxivî'. Beriya ku xwişka min malê terk bike heta sibê li hundir malê şer kirine. Piştî vê yekê xwişka min di 20'ê nîsanê de mal terk kir û winda bû. Kur û bav bûn sebebên kuştina xwişka min. Ger zû ji me re gotibûna belkî me ye karibûya rê li ber xwekuştina wê bigirin." AMED-DÎHA

GULAN BOTAN

## Nayê jibîrkirin...

Pirî caran em dibêjin li ser hevalê şehîd gotin û nivîsandin zor e. Lê belê gotin û nivîsandinê herî xweşik yê ku der barê şehîdan de ne. Der barê hemû tiştan de tê gotin û tê nivîsandin. Lê belê bi qasî wan jiyaneke rastî û sade dane diyarkirin, her çiqas bi êş be jî kêfxweşiyê mezin dide mirov.

Gelek caran bi rondikên çavan, gelek caran bi biranînek û bi rûkeniyekê em wan bi birînin. Der barê wan de her hevok nivî ye. Her gotin û her nivîs kêm e. Lê belê cardin diyar bikim, nivîsandin ne jibîrkirin e. Di vê dema ku tê xwestin mirov nixçên xwe ye mirovati jî bir bike de. Hevalên xwe, rêhevalên xwe ne jî bîrkirin li hemberî vê rastîya pergale berxwedaniyê mezin e. Niha hevala ku ez ê li ser binivîsim, hevala Zozan û nivîsên di derheqê wê de ez xistim didilîyê. Ji ber ku min hevala Zozan di zaroktiya wê de ditûbû di wê demê de ew keçika gelek xweşik, bi aqil, xwînşirîn, ku min gelek jê hez dikir niha bibû gerila.

Min di gerila de ew qat nedibû. Lê belê ez his dikim ku li ser vê keçika xweşik nivîsandin wekî deynê stuyê min e. Navê hevala Zozan wekî zozanan bû. Li başûr rojavayê Kurdistanê, li Dêrikê di malbateke welatparêz de mezin bi bû. Malbata hevala Zozan ji welatparêzên me ye yekemîn bûn. Gelek hevalên birîndar, gazî li cem vê malbatê mabûn. Ev hemû di avakirina kesayekta hevala Zozan de bandorên mezin kiribûn. Ya rastî hevala Zozan ti temenê xwe ye zarok de bi têkoşinê şêkil girt. Bi gelek hevalên ku piştê şehîd ketin re listok listine, ji wan pirs pirsîye, di hembêza wan hevalan de mezin bû ye. Di zarokatiya xwe de bi girêdan xwe ya van hevalan re, bi pirsên wê yê bê dewî re bi nêzikatiyên germ ku heval jê re bersif didan hiştîye ku heval Zozan bi awayekê bê dewî bi wan bê girêdan.

Hevala Zozan bi wan hevala têkoşin naskir, bi wan hevalan re bi têkoşinê ve hat girêdan. Piştê re bi şahadata van hevalan re hevala Zozan ket nav lêpirsi-nek hindîrin. Êdî hevala Zozan xwe gihandibû biryara tevlebûna rêfê têkoşinê. Bi vê biryara xwe girêdan xwe ya pergale qutkiribû. Ev biryara xwe ji wênayên hevalên şehîd yê bi diwarê mala wan ve eleqandî got û sozê xwe bi wan re rêhevaltiyê cardin nû kir. Di dawîya sala 2002'an de dema tevli refên têkoşinê bû di serî de li şamê di perwerdeyekî de derbas bû.

Taybetmaniya wê ya herî balkêş, xwestêkên wê ya kurbûna hezkin û nas-kirina jinê bû. Ji bo vê gelek pirs ji hevalên kevin dikirin û heta car cara bi pirsên xwe bêzardikir. Herî zêde ji jî bo ku di demek kin de jiyana gerila fêrbibe, yek bibe û bi be gerila de derbarê geriltiyê de gelek pirs dikirin. Ji ber ku di zaroktiya xwe di bi hevalan re bû kesayeta wê ne dîrî dîsîplîna jiyana gerila bû. Tevlebûna wê ji perwerdî û jiyane re gelek aktif bû. Bi vê serkeftinê perwerda xwe qedand.

Hêz û moralê ku ji perwerdê girtibû, bi zanebûn û hestên xwe ye xweşik kiribûn yek. Piştî wê derbasî karê ciwanê ye helep bû. Her çiqas xwestekê wê tevli welat jî hebû, bi moralek mezin tevli kabû. Di nav ciwanê xwedevan de têkoşin meşandi, ji bo rêxistinên keçên ciwan pêşbikêve bû xwedî kedeke mezin.

Azad de kî xwedî sekenek minak, hevaltiyek zelal û bi xwestek bû. Bi van taybetmandiyên xwe hemû demê bal dikêşa ser xwe. Bi tempoya xwe ya pêşkeftinê heza me ya piroz heza teybet pêşniyarkiriye bi xwestek û israra xwe derbasî vê xebatê bûye. Bi her tiştên xwe minak bû. Di leşkerî bûnê de wek jinekî di pisboryêde gelek bi îda bû.

Şhadeta vê hevalê ya 2007 winda-hiyek mezin bû. Ev şahadet ji bo saziya wê, ji bo rêxistinê, ji bo tevgera jin bi taybet rêhevalên ku pêre mabûn li ser wan bandorek mezin kir. Carekê hevala Zozan bihata ditin û êdî nedihat ji bîrkirin.

# Navê firotinê kirine qelen!

Piştî kuştina bi navê namûsê û xwekuştina jinan niha ji pirsgerêkan firotin angû qelen herî zêde derdikeve holê. Malbat ji ber xizaniyê bi navê qelenstandinê keçikên xwe difiroşin mêrên pîr. Li gorî nêrîna malbatan bi qelenê keçikên xwe dizewicînin ne ku difiroşin.

Jinên ciwan li derveyî îradeya xwe bi biryara malbatê di bin navê qelenê de tînin firotin. Bi taybetî li Anatolyaya Navîn mêrên pîr tînin herêmê, 5 hezar TL qelen didin û bi jinên ciwan re dizewicînin. Tê texmînkirin ku ji sala 1990'î de heta niha hejmara zewacên bi vî rengî zêde

bûye. Di nav 2 salan de 2 hezar zewac pêk hatine. Di zewacên bi vî rengî de mafê axaftina jinên ciwan nîn e, malbat çî biryarê bide ew pêk tê. Her wiha jinên ciwan der barê vê pirsgerêkê de naxwazin biaxivin. Tu mafê jinan nîn e ku qebûl nekin. Her wiha ev tişt wekî bazirganiyê jî pêk

tê. Gelek jin piştî zewacê naxwazin zarokên wan ên keç çêbin, ji ber ku ditirsîn ku rewşa keçên wan ji bişibe ya wan. Gelek jin ji ber keveşopiyê nikarin biçin dibistanê, derkevin derveyî malê û dibin koleyên malbata xwe. Piştî dizewicîna jî dibin koleyên maleke din. STENBOL

# Bi destê ciwanekê parastina ekolojîyê

Ciwan bi navê Kader Adanir bi dar û kulîlkên li baxçeyê xwe diçîne hewl dide ku xwezayê bide jiyandin. Adanir nebatên çandî li derdora xwe jî belav dike û dixwaze ku herkes li hewşa xwe ciheke ekolojîk biafirîne.

Bi pêşketina teknolojiyê, bajar û cih û warên betonarmê her diçe hewceyî mirovan a bi nebat û xwezayê re jî zêdetir dibe. Welatiyên di nav hesin, kevîr û avahiyên betonarmê de ji xwezayê dûr dikêvin, hewl didin bi kulîlkên li malên xwe diçînin vê tîkiliya bi xwezayê re bidomînin. Ji van welatiyan yek jî Kader Adanir a 18 salî ye. Adanir li mala xwe ya li navçeya Cizîra Şîrnexê bi çandina dar, gîha û kulîlkan hewl dide ku ekolojîyê biparêze. Adanir diyar kir ku ji zaroktiya xwe heta niha bi nebatan re eleqedar dibe û çî cihê biçê lê dar û nebatan diçîne.

## Bedewiya xwezayê dibîne

Adanir xemgîniya xwe ya ji ber tîrbîrkirina xwezayê jî anî ziman û wiha axivî: "Nebat, gîha û darên divê li

çiyan hebin ji ber tîkbirina xwezayê êdî ji holê radibin. Ez nebat û darên min ji van deran peyda kirine li hewşa xwe diçînim. Xwezaya me ji ber şerê tî meşandin û xerckirina mirovan a zêde hindî diçe winda dibe. Ez ji ber vê yekê hewl didim piçek be jî xwezayê bidim jiyandin. Ez hem xwezayê qirêj nakim hem jî ciheke biçûk be jî ji xwezayê re vediqetînim. Tu bedewiya bajaran nemaye. Ez bi vê yekê bedewiyên xwezayê dibînim."

## Darên çandî dide gel

Adanir ligel kulîlk û darên xwecihî yê Cizîrê ji deverên din jî gelek cureyên nebat û daran tîne li hewşa xwe diçîne. Adanir diyar kir ku kulîlkên ji Herêma Kurdistanê anîne jî li hewşa xwe diçîne. Adanir wiha pê de çû: "Ez tovê van kulîlkan didim kesên din jî. Xizmên min her bihar tînin tov hildidin, şitlan dibin. Ez ji vê rewşê kêfxweş im. Bi mehan ez bi mezinkirina van kulîlkan re eleqedar dibim. Dema ez bi wan re eleqedar dibim, ez pîr rihet dibim." ŞIRNEX - DÎHA





# Ji nû ve xwedî derketina têkoşînê

HARUN SERDAR

Di civatên asan de, bedeldayîn bi xwe re destkeftinan an jî serkeftinan tîne. Serkeftin jî, tim dibe xwedan xwediyên. Lê nakokiya mezin e ev taybetiya asan jî ji bo kurdan vajî digere. Hemû civatan pergala xwe ya civakî, çandî û jiyandî ava kiriye ev rista civatan jî bo pergala cihanî serkeftin e, hemû civak pergala xwe ber bi kûrahiya şaristaniyê ve bi serbilindî pêşde dibin.

Guman nîn e ku her civak di nava xwe de, bi hewldanên cihêreng ve kana şaristaniyê dewlemend dike her wiha jî diherikîne. Ji bo pêşketinê her çiqas astengiyên bingehîn hebin jî, lê di astekê de dikare bê meşandin. Lê belê dema mijar dibe kurd, ev rewş serûbin dibe. Mesele ne ew e ku yekitiya kurdan nîn e an jî, tiştêkî din.

Bi nêrîneke seranser, mirov dibîne di dema niha de gelê kurd, pergaleke wisa xurt daniye ku pir civakên weke dewlet tene nasîn, ji wan zêdetir bi rêxistin in û xwedî vî in. Ev rewş di piraniya sazî û avahiyan civaka kurd de, tê xuyakirin. Her wiha ev rastî pir caran hatiye ceribandin. Îro gelê kurd xwe di hemû qadan de, dikare biparêze, ji ber ku rêveberiya wî ya stratejîk û taktîkî têrê dike. Lê di nava çerxa sistema cihanê de nîne.

Mînak: di warê sporên parastinî de, pir jî kurdan di qada navnetewî de, xwedî xelatin lê tev jî, li ser navê dewletên dij-kurd xelatin digirin. Ji ber ku cihana xwe pêşverû dibîne cîh nade qet saziyêke kurd jî.

Bi taybet ev hilbijartina 2009'an mînakêk pêş çave gelê kurd êdî naxwaze di bin nîrê kedxwariyê de, bîmîne. Gel ev îradeya xwe rêveberîne li gorî zagonê wana û cihana serdest jî, bi awayeke eşkere îlan kiriye. Ev asta gelê kurd gihîştîyê asteka heta bilind. Lê dewlet dewsa rastî bêtîtin û ew mafê heta niha dereng hatiye hiştin bi lez û bez li xwediyên were vegeandin, dîsan di pêşengiya Amerîkayê de, êrişan xwe nû kir. Çima û çî tê xwestin?

Hin kesên wek kurd tene nasîn lê di eniya dijmin de, kar dikin û rew-

Serdestan li hemberî serkeftina gelê kurd rîz nîşan neda, sedema vê ya sereke ew e ku vegera kurdan ya şaristaniyê tenê bi pêşengiya PKK'ê dikare bibe. Ji bilî ve yekê PKK li gel şoreşa erkî, siyasî, şoreşa bingehîn di kesayetiya mirov bi xwe de, çêdike



şenbîrên wan her ku êriş çê dibin bi yek axaftineke dizîrin. Bila PKK belav be! hemû sedem PKK ye. Ev jî hêlek ve rast dibêjin, ji ber çî? Yê ku kedxwarî bin guhê hev xistî û ev ramana azadixwaz li civakê bi cîh kirî Partiya Karkerên Kurdistanê. û heta niha xebata kedxwariyê ya sereke ew e ku nahêlin PKK di nava civatê de, were nîqaşkirin. Li gorî xwe nav lê kirine her qal bikin wî navî jî pêre bi kar tînin ew nav jî di çavê civatê de,

bûye sembola neqencî û nebaşiyên ji ber vê jî, rastî nayê mijarê. Ji bo mijara kurd û çareseriyê wê, divê rewşa PKK'ê bi rastiya wê baş were rojevê ev jî bo çareseriyê xaleke bingehîn e. Rastî jî hêla rêveber û paryedarên kedxwariyê ve tê zanîn ew dizanin ku civata wan bi vê rastiye bibihisin nikarin pêşî li mezinbûna PKK'ê bigirin sedemê astengiyên ev e. Lê hemû dezgehên perwerde û ragihandinê di destê wan de ye û ji bo

ku rewş şêlû were nîşandan û pirsgerêk bê çareserî bimîne bi hemû taqeta xwe dixebitin. Heta carinan wisa bê fitûr diçin hima dibêjin ger PKK ne-bûya wê pirsgerêk çareser bûbûya! Serdestan li hemberî serkeftina gelê kurd yê mezlûm rîz nîşan nedan, naxwazî civaka kurd cîhê xwe yê eslî jî nû ve di nava şaristaniyê de, bigire. Sedemên vê jî, hene. Ya sereke ew e, vegera kurdan ya şaristaniyê tenê bi pêşengiya Partiya Karkerên Kurdistanê dikare bibe û hêza çerxa cihanê digêrinê ve yekê ji bo xwe xeter dibîne. PKK li gel şoreşa erkî siyasî, şoreşa bingehîn di kesayetiya mirov bi xwe de, çê dibe. Ew jî, avakirina baxçê nûyê her wiha rê nade mar û mûr. Ew kesayetiya jî 2550 salan vir de, belawela serberjêrê diçû di rêveberiya PKK de, jî nû ve bi wateya xwe tê ava kirin.

Xwenasîna kurdan plangerên mezin ditirsîne ew rastiya heta niha veşartibûn, naxwazî perde jî ser ve hilbiçe. Niha jî dixwazî kurdan weke nasîneke ku li derê dora xwe neyar binasînin, ev jî bin xeterê. Ji ber ku yê heta niha hatî bindestkirin gelê kurde, ne zordeste. Lê çî mixabin di rewşa başûr de bala xwe baş bidinê dixwazî kurdan weke cîhûyan teçîdî bikin nihave ew xebat heye. Ev xal divê jî bir nebe. Gelê kurd xwediyê ve axêye kî dikare dest dirêjîya bike, çî heqê kê heye?

Azadiya kurdan ya sererast, derûniya hemû dewlet û civakên tîkildar diguherîne. Ev guherîn di eslê xwe de, erêniye. Lê jî niha ve hewldanên heyî jî serî ve dixwazî ve berevajî bikin. Di başûr de, ev hinek bi ser xistine. Ramana PKK'ê namzeta bo ku Rohhilata Navîn jî destê kedxwariya mezin derîne. Ji ber van egeran ev dem dema jî nû ve xwedî derketina li Partiya Karkerên Kurdistanê ye. Rojeva kurdan bi tenê divê ev be heta ku azadî bi dest xistin. Êdî riyên fetilandî çare nîn in, zelalî aşkera ye. Xeta têkoşînê her ber bi jor ve hildikişê yê bi ser bikevin kurd in, karker in. \*Navenda Lêkolînên Stratejîk a Kurdistanê

Roşn  
Mamosta Silêman  
mamoste.suleyman@hotmail.com



## Siyaseto demokratîk û operasyon

Hêzanî asayîşê, nê rojanî peynîyan de, mûqabîlî (qarşiyê) DTP, yew operasyon hîra (hera) dest pêkerdo, bi seyan berpirsiyarî, endamî û aktîwîstî DTP, giriyayî bîni çîman û nînan ra reyna bi seyan merdimî debîyî hepisxaneyan. Semedê nê operasyonê zaf munaqeseyî benî. Rasta ey, no operasyon hewayê yew darbeyê, yeno hesabnayene (hesibnayîş). Ewta de, armanc; şikîştê îradeyê DTP yo. Reyna ewta de bellî yo ke, Dewlete û AKP, tehamulê netîceya no vîjnayîşê peyîne nêkerdo. Rasta (reşt) ey ma waştî ke Hûkmatê AKP û Dewleta Tirkîya, mesajî nê veçînayîş û Newroza 2009ê fam bikerdîni û goreyê nê mesajan têbigeyraynî. Feqet seke vanî; "Bi nê operasyonan yew cûwalê incilan berbat kerdo." Şarê kurdan inahewa yew operasyon nêpawitnî. Nê oprasyonî meselaya kurdan, esla hal nêkenî.

Vîjnayîşê serekani belediyayan de DTP, 98 serekeyî belediyayan qezenç kerdi. Eke yew zemî demokratîk de, no vîjnayîş bibîynî, na hûmare hîna vêşî bîynî. Serekwezîr Tayîb Erdogan vano ke; "DTP; siyasetê etnisîteyê kena, ancax mitîqaya kurdan de rayan gêna." Erdogan û partiya ey, mûqabîlî DTPê, çî dest ra yeno kenî. Erdogan yew het ra heyetê parlementerani DTP qebul nêkeno. Yewna het ra vano; "Ez destê parlementerani DTPê netewşena." Mûqabîlî (qarşiyî) DTP, nîzdîbiyayîşê û tegerê Serekerkanî Piroyîyey zî eynî yo. Parlementerî DTP, îradeyê şarê kurdan temsil kenî. Tegerê û zîhnîyetê nê berpirsiyaran, şarê kurdan weş nîyno û inan ecîz keno. Pekî no tegerê û zîhnîyet kura ra yeno? Goreyê ma, no tegerê û zîhnîyet, polîtîkaya red û înkare ra yeno. Na zî zelal a ke, Birêz Erdogan zî zaf tesîrê na polîtîkaya asimlasyonî de mendo. Serekwezîr bo zî qet adil nîyo. Yew het ra berpirsiyaran, endaman û aktîwîstani DTPê tewşenî. Yew het ra destan, lîngan û fekê DTP yan bestenî. Şîma heme çêşt (bêj) zilm, tada û lîncan teşwîq kenî. Dîma zî şîma vanî; "DTP, polîtîkaya etnisîteyê kena. Nîşna (nêşkêna) rojawanê Tirkîya de organize bîbo. Şîma serdestani Tirkîya; hima zî kurdan, vatîş de (sözde) hemwelatî hesabnenî. Şîma TRT 6 bakî û tayê qanûnanî xo bîbedîlnî zî şîma nasnameyî kurdan hima zî qebul nêkerdo. Organîzebîyayîşê Tirkîya de, kurdî çînbîyaye hesabîyên. Tirkîya de, heme meseleyî no zîhnîyet ra yenî meydan. Çî heyf ke, berpirsiyarî Tirkîya bi na polîtîkaya asimlasyonî pîl benî. Beynê înan adeta fecîr bîyo. Nê berpirsiyaran hima zî polîtîkaya DTP ra çîy fam nêkerdo. Rasta ey DTP, Tirkîya û demokrasiyê Tirkîya rê yew şans a. DTP Tirkîya de di çîyan wazena. Nînan ra ay yewin; DTP wazena ke, hem şarê kurdan û hem zî şarî bîni, bi heqanî xo yê neteweyî, bi azadî îfade bikî (bikerî). Ay dîyan zî wazena ke, Tirkîya de heme kes, wa bi bîr û bawerîya xo, xo îfade bikero. Yanî DTP wazena ke hem hetê manewîyatê de, hem zî hetê maddîyatê de heq edelet û yewîyey bîbo. Reyna DTP wazena ke meseleya kurdan bi aşî demokrasi hal bîbo. Aseno ke polîtîkaya DTP, polîtîkaya partîyanî bînan ra zaf çîya ya. DTP wazena ke, çêr ra hetan cor heme kes, rêxistinani sîvilan (partîyan, kome-lan û sendîqayan) de organîze bîbo û siyaset de wayîrî yew îradeyê demokratîkê bîbo Hem heqanî xo ê manewî û hem zî ê maddî bi îradeyê xo yê demokratîkê bîpawo. Inahewa yew zemîno demokratîk de yew karsaz û yew bêkar wayîrî eynê heqan î. Yanî DTP temsîliyet de zî edalet wazena. Yanî merkezê siyasetê DTP de merdim û merdimani esta. Ma ewta de, rehet eşkenî vajî; DTP; temamen çerçeweyê qanûnê Tirkîya de, yew siyaseto demokratîk ramena. Şîma heme bînanî DTP bigeyrî, şîma nişnî (nêşkênî) yew şîflê kardî veynî. Yanî DTP, siyasetê xo de, aşî û demokrasi esas gêna. Xora nê merdimî ke ameyî tewîştene, înan ser o yew şîflê kardî zî nêtewîşîyo. Aseno ke nê merdiman waşt o ke saseta demokratîk bikî (bikerî).

Ma wazênî ke nîka ra pey Tirkîya de yew plan û programê aşî organîze bîbo. Kurdan û şarani Tirkîya, na polîtîkaya red û înkare û şîdêta ra zaf ezêt (ezîyet) anto. Bi hepisxaneyan û oprasyonan esla meseleyî hal nêbenî. Lazim o ke Tirkîya de, yew rîpel o newe û pank bîabo. Çare demokrasi yo, diyalog o û aşî ya.

## Vizevîza mozê ji destê germê ye

KEREM SOYLU

Wiha tê xuyakirin ku partiya AKP'ê û serokê wê geleki ketine nava tengasî û tevliheviyan. Berad û fortên ku birêz Recep Tayîp Erdogan beriya hilbijartinan da xwe tev bi avê de çûn û ew li erdê ket. Lê ev ketin weke ketina wî ya jî hespê ket nebû, ev ketin gelek bi eşbû û kesekî ew jî erdê ranekir. Ji ber wê çendê dema ku rabû bi toz û xubara ser û guhê xwe ve bê muhlet dest avêt Partiya Civata Demokratîk DTP'ê. Ji ber ku hevîyan xwe yê berî hilbijartinê bi dest nexist, çavên xwe girt û çoyê xwe hejand. Rêveber û endamên DTP'ê hilanîn binçavan û ew girtin. Ev yek gotîneke pêşiyên me tîne bîra mirov, "Vize vîza mozê ji destê kelekela germê ye" ango di dema havînê de ku erd û asîman li mozeqîrtêkê dikeliye, ew êrişî vî alî, wî alî dike û jî hewla canê xwe kî dikeve ber ew pê vedide. De em ê jî li birêz serokwezîrî biborin, ji ber dîmenên Newrozê û rêjeya hilbijartinên herêmi li Kurdistanê ew geleki bêhteng û bê tehemul kir.

Lê bila baş bê fêmkirin ku mebesta gelê kurd û DTP ne bi tenê hilbijartinên herêmi ne. Belkî mebesta sereke çareseriyê pirsgerêka

gelê kurd e ku di binê ve pirsgerêkê de mafên mirovîni jî kurdan re hatiye qedexekirin. Zîman, çand û wêjeya wan hatiye talankirin, bi mirina nasname û kesayetiya xwe re rû bi rû maye, ku ew jî kînorî bi xwîn e jê re tedawî pêwîst e. Kurd bi meclîsa DTP'ê û bi parlementerên xwe û bi şaredarên xwe bi tevayî 200 kes in, de ka werin em kumên xwe deynin û jê pirsan bikin. Gelo ev civak nikare kurdan temsil bike, hûn çîma ve girseya neteweya gelê kurd muxatab nagirin û bi çî rûyî hûn bi kurdên jî aşîtiyê re amade ne re rûnanên. Hûn bi biyaniyan re tîkildar in, ma çî mafê we heye hûn piyên wan didin ser stûyê kurdan. Baş bizanîbin biyaniyê ve rojekê jî ber berjewendiyên xwe pêhînekê li we bixin hûnê wê gavê çavên xwe vekin.

Birêz serokwezîrê Tirkîyeyê ma hûn çîma pirsgerêka kurd jî nedîtî ve tîne, hûn çîma ew ças banga birêz Ahmet Turk bêbersiv dihêlin. Ji ber ku hûn newêrin rastiya pirsgerêkê binin qadê, hûn newêrin derên hemberî îradeya neteweya kurd. Kurdan çî demê destê aşî û wekhevîyê her wiha biratiyê dirêjî we kiriye we destê wan qut kiriye. Dîrok gelek vekirî dide nîşan ku

kurd jî qedîmê zeman de binecihên axa Mezopotamyayê ne. Selçûkî kirine mêvan û jî Selçûkî û Osmanliyan re gelek fedakarî kirine di demên Komara Tirkîyeyê de bi temamî di telî û tengîyan de li cem wan bûne, xwîna bav û kalên wan li çar aliyê welêt rîjîyaye û şehîd ketine. Hûn çîma mafên wan ê rewya nadin wan. Nihêrîna we li pirsgerêka gelê kurd bi neyînî bêdadî ye û di tu zagonên dinyayê de ev yek jî nedîtan ve nayê xuyan. Cîhê xwestekên neteweya kurd bi vekirî hem li gorî demokrasi û mafên mirovahiyê yê neteweyî hene hem jî di temamî olan de ev yek rewya ye, bi taybet jî di ola Îslamê di Qurana Pîroz de ev yek bi ayetên pîroz tê tespîtkirin. Ma qey ne bes e ku ew xwîna li Tirkîyeyê diherike nayê seknandin. Ma qey jî asîmanan kesên werin ve pirsgerêkê bidin seknandin hene? Bila, baş bê fêmkirin ku her kes li Tirkîyeyê ha tirk ha kurd li gorî mewoqî, meqam û pey-wirdariya xwe berpirsiyar e ango mesûl e, mesûl e, mesûl e.

Ez wek kurdekî, nivîskar û dilxwazê gelê kurd û gelê tirk neçar mam ku van hest û ramanên xwe û hisên xwe yê insanî jî çapemeniyê re rêkim.



# Li Dêra Kirimê helbestên kurdî

Di çarçoveya Festîvala Helbestan a Navneteweyî ya Beyogluya Stenbolê 'Şiir Stenbol' de helbestên kurdî deng veda. Helbestvan Fatma Savci bi 'Qedera Qurnefîlê' û Gulîzer jî bi 'Porkurê' amade bûn

4'emîn Festîvala Helbestan a Navneteweyî ya Beyogluya Stenbolê "Şiir Stenbol" ji aliyê Komeleya Enstîtuya Zanistîya Civak û Dîrokê û Şaredariya Beyogluya ve tê organîzekirin.

Festîvala ku PEN'a Tirkîyeyê û Komeleya Wêjevanan jî piştgirî didê de îsal ji 31 welatan 42 helbestkar beşdar dibin. Dêra Kirimê di sala 1858'an de di dema şerê Kirimê de dest bi çekirina wê hatiye kirin. Mîmarê wê G.E. Street e û erseyê dêrê jî aliyê Siltan Abdulmecid ve hatiye pêşkêşkirin. Çêkirina dêrê 10 salan didome û heta sala 1971'ê ew der jî bo îbadetê tê girtin. Piştî ku hejmara cemaeta dêrê kêmbûnê wê salê dêrê tê girtin, di sala 1991'ê de careke din tê vekirin. Di van çend salên dawî de jî dêrê digel îbadetê xizmetê çalakîyên çandî jî dike.

Digel helbestkarên Îngilistan, Kuba, Îran, Iraq, Sûriye, Lubnan û Tirkîyeyê helbestkarên Kurdîstanê jî tevî festîvalê dibin. Festîval jî her zimanî helbestkarên beşdar dike. Helbestkar bi zimanên xwe tîn

cem hev û xwe didin nasîn. Her wiha çalakîya mîhrîcanê roja di 22'yê nîsanê de li Dêra Kirimê hate lidarxistin. Di şahiyê 'Helbestkarên jin digihêjin hev' de Şareh Karmanî (Îran), Marîa Elena Balanco (Kuba), Fevziye El Mîr (Sûrî), Paula Meehan (Îrlanda), Olcay Oztunalı (Tirkîye), Oya Uysal (Tirkîye) û gelekên din helbestkarên kurd Fatma Savci û Gulîzer jî amade bûn. Helbestkarên jin her yek ji wan bi zimanê xwe helbest xwendin, Fatma Savci û Gulîzerê jî bi zimanê xwe.

Savci beriya ku dest bi helbesta xwe bike diyar kir ku jinên DTP'î ku tekane sûcê wan ew bû têkoşîna siyasî didan, demek berê di operasyona li hemberî wan de hatin binçavkirin û girtin. Savci anî ziman ku vê operasyonê şermezar dike û helbesta xwe diyarî wan dike. Savci piştî axaftina xwe dest bi helbesta xwe "Qedera Qurnefîlê" kir. Helbestkara kurd Gulîzer jî helbesta xwe ya bi navê "Porkurê" xwend.

Di 24'ê mehê de saet

12.00'an de li Şanoya Muammer Karacayê de bi navê "Kurd, jin û helbestkar" şahiyek di bin rêveberiya helbestkar Jana Seyda de bê lidarxistin. Di çalakîyê de helbestkarên kurd Gulîzer, Fatma Savci û Xelat Ahmed wê hem helbestên xwe bixwînin hem jî qala çîroka helbestên xwe bikin.

Her wiha di heman rojê de saet 18.30'yan de jî li Navenda Hunera Kumbarayê di bin rêveberiya Xwediyê Weşanên Avestayê Abdullah Keskî de de çalakîya "Wêjeya Kurd a Modern" li dar bikeve. Di çalakîyê de nivîskar Abidin Parilti wê li ser wêjeya kurdî biaxive. Ligel vê yekê şahiya ku herî zêde balê dikişîne 'Kevneşopîya çîrokbêjî û dengbêjiyê ye'. Ev şahî jî de di 26'ê mehê de li Navenda Hunera Kumbarayê bê lidarxistin. Ev şahî de jî aliyê Abidin Parilti bê pêşkêşkirin. Dengbêj Seyid-xanê Boyaxçî wê hem kilamên xwe bibêje û hem jî qala çîroka wan bike. Mîhrîcana Helbestan a Stenbolê de heta 29'ê nîsanê de çalakîyên cur bi cur bidome.

CEMİL OĞUZ  
STENBOL / ANF



Fatma Savci



Gulîzer

## Xelatên Pulîtzer hatin dayîn

Kesên hêjayî xelata Pulîtzer a 2009'an hatin aşkerakirin. Li Zanîngeha New York Columbia xelatên Pulîtzer yê beşa 'Rojnamegerî, Drama, Wêje û Muzîkê' li dibistana Rojnamegeriya zanîngehê bi daxuyaniyeke çapemeniyê aşkera kirin. Kêşên ku hêjayî xelatan hatibûn dîtin jî aliyê nûnerê xelatên Pulîtzer, Sîg Gissler ve hat diyarkirin.

Rojnameya DYA'yê New York Times di pênc warê rojnamegeriyê de xelat wergirt. Sala borî jî Rojnameya Washington Post di şeş warê rojnamegeriyê de xelat wergirtibû lê îsal tenê xelatek wergirt. Di wêjeyê de jî di warê 'pevbestîna' de nivîskar Elizabeth Strout bi pirtûka xwe ya 'Olive Kitteridge' xelata Pulîtzer wergirt.

Her wiha di warê 'drama' de jî nivîskar Lynn Nottage Kongo bi listika xwe ya 'Ruined' hêjayî xelatê hate dîtin. Nivîskarê amerîkî Annette Gordon-Reed bi pirtûka xwe ya 'The Hemingses of Monticello- An American Family' xelat wergirt. Di warê 'Biyografi'yê de jî Jon Meacham bi pirtûka xwe ya 'American Lion: Andrew Jackson in the White' xelat wergirt. Di warê helbestê de jî W.S Merwin bi helbesta xwe ya 'The Shadow of Sirius' xelata Pulîtzer wergirt. NEW YORK

## Li Stenbolê 'Mirina Zimanekî'

Teatra Avesta listika xwe ya bi navê "Mirina Zimanekî" ve carê li Şanoya Muammer Karaca pêşkêşî hezkiriyên şanoyê kir.

Listika bi navê "Mirina Zimanekî" jî listika xwediyê Xelata Nobelê Harold Pinter "Zimanê Çiya" ku ji aliyê Mehmed Uzun ve bo kurdî hatibû wergerandin û jî helbesta Mehmet Uzun "Mirina Egîdekî" hatiye girtin. Her wiha di listikê de muzîka Ciwan

Haco jî hatiye bikaranîn.

Listik li Muammer Karacaya Beyogluya Stenbolê hate listin. Temeşevanên eleqeyekê mezin nişani listikê da.

Derhêneriya listikê Aydin Orak kiriye û di listikê de

Bilal Bulut, Şengul Ozdemir, Perihan Adalmiş û Aydin Orak dilizîn. Ronahiya listikê Ahmet Çay, kostum Sezgin Aydin, asistaniya derhêner Saif Kulen û makyaja plastîk jî aîdî Soner Caner e. STENBOL



Listika bi navê 'Mirina zimanekî' ku ji aliyê listikvanên Teatra Avesta ve tê listin li Şanoya Muammer Karaca hate pêşkêşkirin. Temeşevanên bi eleqeyekê mezin listikê temaşê kirin.

## Bîranîn



Abdulrezzak Begik  
23.04.1994 Sason

Şiyar bûn ji xewê  
Keç û xortên  
qehreman  
Hildidin tol a  
hezar salan  
Azad dîkin dayika  
me Kurdistan

Li ser navê  
malbata wî dayika wî  
Meryem Begik

## Li Generalên Biçûk ên Apê Mûsa ceza birîn

Doza ku der barê pirtûka bi navê 'Generalên Biçûk ên Apê Mûsa' ku ji weşanên berçem derketî bi encam bû. Bi îdiya ku nivîskarê pirtûkê İrfan Karaca 'Propagandaya rêxistinê kiriye salek û 3 meh cezayê girtîgehê li birîn. Pirtûka 'Generalên Biçûk ên Apê Mûsa' sala borî di meha adarê de derket. Di îdianameyê de wiha tê gotin; "Di pirtûkê de pesnê faaliyetên endamên kadroya

çiya ya rêxistina PKK, KONGRA-GEL tê dayîn. Têkoşîna mîltanên rêxistinê mafdar dibînin û propagandaya rêxistinê dikin."

Her wiha di îdianameyê de navê PKK, KONGRA-GEL biçûk hatibû nivîsîn û ev yek tîne bîra mirov ku rêbazên Saziya Ziman a Tirk li çavan negirtine. Der barê mijarê de parêzerê İrfan Karaca, Ozcan Kiliç diyar kir ku ev biryar ne

li gorî AİHM'ê ye û her wiha got ku ev biryareke balkêş e. Kiliç anî ziman ku di pirtûkê hemayên şidetê tune.

Ligel vê yekê nivîskarê pirtûkê İrfan Karaca anî ziman ku de ve cezayê temyîz bikin û wiha dirêjî da axaftina xwe: "Bi îdiya ku pirtûkê propagandaya rêxistinê kiriye ceza lê birin. Ev biryarek ne heq e. Di pirtûkê de şert û mercên ku belavkarên rojnameya Ozgur

Gundemê de dixebitin vedibêje.

Di salên 90'î de bûyerên ku hatin jiyîn tê vegotin. Çawa jî bo pirtûkê dibêjin propagandaya rêxistinê ez matmayî dimînim.

Bi vê biryarê em niha baş fêm dîkin ku azadiya xwe ifadekirinê hê jî di bin gefê de ye. Fîkr û raman hê jî sîc e. Ez hêvîdarim ku de ev biryar ya dawî be. STENBOL



Di dawiya temenê xwe de ez ji bûm 'cî'yek: Ezcî, ewcî, yêdincî...  
Soxî; ji kevne DDDK'cityê rîşm û terfiyên bi min ve hatin zêdekirin; bûm PKK'cî!  
Bo çi?  
Bo ku di rojnemeya rojane, kurd û kurdî, Azadiya Welat de dinivîsim.  
Bibim çi jî, pênasêyeke çawa bi dûvikê min ve vebikin, min bikin 'cîcî' jî ez ê binivîsim.  
Nivîskarek im, û karê min nivîs e!  
Kevir ji bibarin jî ezman, sed derî jî li ber min bèn daran... ez ê binivîsim.  
Ez ê binivîsim... û hinin nizanin ku 7 sal berê jî, 17 sal berê jî min di Azadiya Welat de nivîsî!  
Ma min li ku, di ku de nenevîsî? Ji kovara Tîrêjê bigirin heta bigihe kovar û rojnemeyên li diyasporayê: Berbenç, Kurdistan Press, Nûdem, Çira, Roja Nû... Vê dawiyê Rewşen, Jiyana Rewşen, Nûbihar, Ajda, Hêvî, Dema Nû, û Çirûsk û W...  
Û li Başûr di Peyvê de, di Nûbûn, Karwan, Agrî, Çawdêr, Aso, Kurdîsanî Nwê...  
Di vê serboriya xwe ya helbestkarî-nivîskariyê de, ji bilî nivîskariya di Azadiya Welat de, bo xwe min tu wextan nivîs weke erkekekê, mîna peywirekê nedît...

Erxewan



ARJEN ARÎ  
arjenari99@yahoo.com

Roj ji welat hiltê

Lê niha?... mîna ku bibêje ez azadiya te me jî, Azadiya Welat her hefte nivîskariya min dixê bîra min, û min mecbûr dike ku nivîsê jî ku binim binim, û bişînim jê re!  
Camêrin xwedî ked û tîb deh salên xitmin dinivîsin.  
Ê min, hê nû piştî çendekî din nivîskariya min a di Azadiya Welat de de dagere sala sêyemîn.  
Di rojnamegeriya kurdî de 17 sal; digel hemû bêderfeti û çewş û êrîşan; ne tiştêkî hindik e, û Azadiya Welat ew çend sal in ku li ser axa xwe, li ser bajarê xwe, bi zimanê xwe weşana xwe didomîne.  
Derfet hebe delîve vebe; zimanê min bigere, tiliyên min bilivîn; ne piştî heft salan, piştî heftê salên din jî ez ê binivîsim ji Azadiya Welat re...

Ez ê binivîsim; ji ber ku ez xwe dinivîsim, ew xwe dinivîse.  
Ez ê binivîsim; ji ber ku xame teyr e, rûpel lîs e!  
Ez ê binivîsim; ji ber ku ez û vê rojnameyê yek çekê bikar tînin, di eniya şer de yek çekê di-teqînin: Êv çek jî ziman e!  
Û dinya dizane, kerê di guhê gê de ji pê hesiya û tê gihîşt, ku ziman dirêfşa her neteweyî ye!  
Min gotibe jî, li vir dîsa bi bîra xwe û we binim: Çekiyan gotine 'sinorê neteweyekî zimanê wî ye!  
Zimanê min di nava sinorên Azadiya Welat de ye.  
Min gotibe jî, li vir gotinê dixim bin nîrê nivîsê: Azadiya Welat azadiya kurdî ye û pê re azadiya her kurdekî/ê ye!

Xwezî niha tiraja vê rojnameyê ne 15- 20 hezar; 150-200 hezar bûya.  
Weke rojnameyê gerdûnî gava ku deriyê wê bihata daran bi sedhezaran xwendevan daketana kolanan û li çepikan bixistina, bifkandina û di ber re bigotina 'hûn nikarin devê min bigirin'. 'Hûn nikarin gemê li devê min bixin!' Bigotana 'ha girtina Azadiya Welat, ha girtina devê min'!  
Dizanim û têdighijim: weke her rojnameyê Azadiya Welat jî rojnameya layekî ye!  
Ev 'lay' -li gorî min- eniya zimanê kurdî ye, al-dariya zimanê kurdî ye, azadiya zimanê kurdî ye.  
Yê ku min bi keviya vî 'layî' ve girêdide ev ben e; ev benê stûr e, benê ziman!  
Ev ben bi heft girêkên kor min bi vî neteweyî ve jî girêdide.  
Ne ev ziman bûya, çi şol û îşê min hebû di nava vê civatê de.  
Min bi benê vî zimanî xwe dahişt nava hişê xwe, hest û dilnê xwe, bîr û baweriyên xwe...  
Ez bi zimanê xwe hebim, ev neteweyî jî bi zimanê xwe heye.  
Jixwe Azadiya Welat jî bi vê durîsmê heye :  
Roj ji welat hiltê!

Di edebiyatê de deşîfrekirina takekes



Cihan ROJ

neynikê. Belkî bi tenê em ê karibin romana , "Ronî Mîna Evîne Tarî Mîna Mirîne" jî bo deşîfrekirina takekes cuda binixînin. Uzun çend caran got, "Her kes xwedî çirok e, gerek her kes çiroka xwe vebêje." (Ez nizanîm gotin bi aîdî kê ye) Ev derbirîn bi awayekî girîngiya deşîfrekirina takekes destnîşan dike lê birêz Uzun wê gotinê venekir an jî negengêşî bê jî bo çi dibêje. Belkî dîsa jî bo girîngiya sekna takekes a di jiyane de got.

Gelo ji bo çi deşîfrekirina takekes li ser me êdî ferz e. Em ê karibin van gotinên Nietzsche bi bîr binin: "Çi felsefeya mezin heya niha çi be jî bo min her ku diçe zelal dibe: Ango bi awayekî îtîrafkariya nivîskar a şexsî û çiroka jiyana wan a derî îradeyê û derî hiş" Baş e, ew kesên felsefevan bi riya îtîrafê xwe deşîfre kirine û ew deşîfrasyon bûye sedem ku ew, ew qas biafirînin ew qas kûr û dûr bifikirin. Helbet em ne li bendê ne di civakê de her kesek bibê felsefevanekî û karibe îtîraf bike. Wê çaxê, gerek edebiyat karibe takekes deşîfre bike. Dê hinek nivîskar wekî felsefevanan kiriyê, îtîraf bikin an jî hem îtîraf bikin hem jî xwe deşîfre bikin. Hinek jê jî di derî xwe takekesan deşîfre bikin.

Mehmed Uzun takekes destnîşan dikir, takekes rê dida. Wî bi destnîşankirina takekes re dixwest kirasê jiyana modern li edebiyatê bike. Lê deşîfrasyona takekes ku armanek wî ya wanî hebûya jî (em nizanîm) di berhemana de bi gelemperî xwe neda der. Bi tenê ne rehmetî, gelek kesan jî heya roja îro wanî kir. Ev jî bo edebiyata me tiştêkî baş bû. Ger hûn bala xwe bidinê ev bûn du merhele; yek jê di klasîkan de hate kirin ango nivîskaran xwestin halê civakê bi bîra civakê bixin. Merheleya duyemîn jî nivîskaran hefzîyê civakê deşîfre kirin. Îro ro jî wexta deşîfrasyona takekes e.

Gerek edebiyat bikaribe takekes jî barê hezar salî bike; ew hezar sal, her bi êşên xwe, bi tîkçûyanan, bi bêçaretîyê hat bi bîr anîn û rahişkirin. Takekes her wext ma di bin bandora wê atmosferê de, jî xwe ne bawer bû, bê feraset ma. Li xwe mukir nehat, hay jî ferasetên xwe nebû, bi "hebûna xwe" şad nebû. Ji-yana xwe û hêviyên xwe estetîze nekir. Qalib û dogmayan bandor lê kir. Ji xwe hez nekir. Neçar ma. Xwe kêmtir dît.

Qonaxa bîrxistina jiyana civakê êdî ne hewce ye. Xwendevanên kurdî, insanên kurd ne ew kes in ku ew qas bê hay bin. Lê hewlên deşîfrekirina hefzîyê civakê û hewlên deşîfrekirina takekes wê her berdewam be. Heya demê ne kin jî wê wanî be. Piştî guherîn û veguherînên muhîm de edebiyat bi gelemperî xwe li deşîfrekirina takekes bigire.

Heya salên nodî bi gelemperî nivîskaran bêtir "rewşa heyî" destnîşan kirin. Xwestin bala xwendevan bikişînin ser rastîyê. Hinek xwestin bêjin, em ev in, sedem jî ew in.

Baş e, ji alî şeweyê ve, têkiliya bi xwendevan re wê tu problem derneyên? Belê, di rewşa heyî de wê têkiliya berhemên wanî û xwendevan têkiliyek zor be; lewre bi deşîfrekirinê re ziman bivê nevwê hinek giran dibe. Derbirîn wê bêtir kilidî be. Bandora felsefeyê û disîplinên din wê zêde be.

Dû re gavin din hatin avêtin. Derî hinek din hate vekirin. Nivîskaran xwestin hefzîyê civakî deşîfre bikin. Me divê li vir em rehmetî Mehmed Uzun bi bîr binin. (Ji alî meseleyê ve ) Wî wekî nêzikîtdayîn, takekes rê dida, destnîşan dikir lê wî takekes deşîfre nedikir, hiş û hefzîyê civakê deşîfre dikir. Belê di berhemên wî de takekes muhîm bûn, bi merîfet dihatin bicihkirin lê wan takekesan jî dixwest hefzîyê civakî deşîfre bikin. Qalib û nêzikîtdayînen kevnare deşîfre bikin. Uzun li hember nêzikîtdayînen 'totalîter' hewla tîkoşînê dida lê bi awayekî disa dixwest civak li guncên xwe mukir bêt! Her wext guncên civakê bi bîra civakê dani. Ango disa xitabî civakê dikir! Ni-yeta wî û tiştê dihat kirin li hev nedikir. Ev, hinek jî gerînekek bû.

Ev rîsk rîskek gelemperî ye bi bawer im wê nivîskarên şareza rê nedin derbirîn û zimanên giran. Ji bo wê jî nivîskar divê karibe tiştên herî sivik, jî rêzê û bi wate bi destbixe. Ma heya niha rîsk tunebûn? Helbet hebûn. Mîsal, xwendevan êdî jî heman awa, nêzikîtdayînan tîr bûye. Ciyê nivîskar çûne û hatine xwendevan jî çûne, dikarin herin! Xwendevan li bendê ye ku nivîskar biçe ciyên wanî ku xwendevan nikaribe biçe wan ciyan.

Wexta wî behsa edebiyata dinyayê dikir hinek jî behsa girîngiya takekes dikir lê wekî me got wî jî bi şeweya xwe hew hefzîyê civakê deşîfre kir. Hinek jî xwest civak biçe pêşberî neynikê. Takekes zêde dernexist pêşberî

Ji bo rabirduyê jî em ê hewl bidin, keşif bikin, bi deşîfrekirina takekes re hinekî jî ji nû ve biafirînin. Rabirdû hê jî ji bo xwendevanên me veşarî ye. Bi awayê ku em têdighijin. Bi awayê ku çavên edebiyatê mijara gotinê be. Îtîraf, deşîfrekirin gerek nebin sedemên respît û şeweyên teng; insan karibe hinek sût jî krîterên rexneyê werbigire de baş be. Perspektîfa deşîfrasyonê divê pir zelal be. Mîna, ji bo takekes karibe jî xwe hes bike, bi his be, bi dû jiyaneke modern û xweş bikeve. Li hember hukum û desthilatîyan, dogmeyan, qaliban hesas be.



Şîna Mûsilê

(Ji bo bîranîna 5 şehîdên Mûsilê)

Pênc mirovên bedew  
Pênc stêrk bûn ew  
Darîjan ji asîmanên Başûr  
Wê rojê  
Xwîn barî ji zeraqên tavê  
Sor kir çolên ziwa û  
sehrayên Aşûr  
Ji ber vê ye  
Şerm dike deşta Mûsilê  
Reş pêçaye bircên Babilê  
Xeyidiye çemê Dicleyê  
Pêlên bi hêrs ne qayil e.  
Dilerize xaka kevnar  
Erd û asîman tev de xembar  
Dikin qêrîn û dikin hewar  
Dengek bilind dibe li nav  
erşên Mûsilê  
Dengê pênc ferîşteyan tê  
Ev ehd e,  
Peyamê dide Zagrosan,  
Botanê û Qendilê  
Guh bidinê hevalno  
Bibihîsin hogirino  
Dest dane hev kêfxweş in  
Gurên boz û

Qirdên tolaz ê çolan  
serxweş in  
Li ber deşta Mûsilê  
Zalim îro dîsa kefen di-  
firoşin  
Lê sond û peyman  
Xayîn biçin ber pêlên asî-  
man  
Xwe veşêrin li heyvê û li  
nav ewran  
Wê li erdê nemîne ev tol  
Di dilan de nemîne kerb û  
kul  
Bila ehd be ey deşta Mûsil!  
Wê helbet her wekî wan bi  
serfirazî û felat  
Bi hezaran şoreşvanên  
welat  
Hilgîrin çeka Şîlan û Fûat  
Bi hezaran Zekerîya, Cemil  
û Ciwan  
Hilgîrin ala rengîn û  
bişopînin doza wan.

Ew bûne giyan û can  
bexşandin  
Lê hêvî nexîşandin  
Li nav jîna gelê min.  
Bila bibîne cihan,  
Bibîne deşta Mûsil  
Di dilan de kerb û kul  
Li erdê tol nema  
Pênc pêşengên evîne  
Destanek tomar kirin bi  
xwînê  
Meyzekin;  
Peyama cangoriyên welat  
Ji Başûr gihîşte Rojava  
Li Efrînê, Kobanê û  
Qamişloyê geriya.  
Bû çalaki û hêz belav bû  
Silav da Mehabad û Wanê  
Gel rakire ser piyan.  
Lewra îro li serê çîyan  
Li gundan û bajarên  
Raperîn û serhildane  
Ji ber vê ye  
Her kes êdî baş dizane  
Azadî xelata şehîdan e...

Zeyat Bîrûsk





**Yildiz GULTEKİN**

yildizgultekin@hotmail.com

**Tansiyona bavê min**

Dema ez ezep bûm, yanê wextê zewaca min hat, bavê min ez girtim dame yekî xerib, xerib dibêm lê min piştê nas kir, hema çend caran ji dilê min bi ser wî de ke-liya, çend caran di wê kuça hinda mala me ra derbas bû. Hema ez direvim li ber deriyê malê min melûl melûl li wî mêze dikir. Ew ji vala ne disekinî, hema qet karê wî li wan deran hebûya jî, tunebûya jî biroj heta êvarê çend caran li kuça me dihat û diçû.

Neyse zêde dirêj nakim, wan rojên hanê bavê min hate mala min, min dixwest cen-dekî li ba min bimîne, ew hinekî jî kal bûye, guhê wî kêmbû, emrê wî hinekî zêde bûye, lê dîsa jî li ser xwe ye. Min gelekî bê-riya wî kiribû, dema ew hate cem min es-qana aqilê min li serê min firî.

Çend rojan me herduyan behsa zemanê berê kir, em carana kenyan, carana jî giriyan. rojekê çend heb keçikê azep li cînarê min in, wana got em dixwazin bavê te rojekê bibe mewanê me, min got hay hay, ser çavê min.

Min qala keçikê cînarê xwe kir, min got bavo ev keçikê cînarê min pirê wan xebatkar in, yê din jî dixwinin, ew dixwazin îro tu bibî mewanê wan. Em rabûn çûn, dayêê, ezet, hîrmet, cuda cuda xwarin çêkirine, xwe xemilandine, der û dora bavê min vîze vîzê dikin, diçûn û tîn, yek destê bavê min digre, yek piştê wî mîzê dide, ya din xwarinê didê, ya din jî eşqê xeber dide, hema bavê min xwar bû li ber guhê min got: keçê evana ho-rîne, çine! lê te qet ne digot ew cînarê min ewqas pak û rind in!

pey maşalla maşalla, hema ew bû kêfa me hatibû, ji nişkê ve bû pişkîniya xwînê jî bêvila bavê min hat.

Dayê rebenê çend seata ew xwîn nese-kinî, me di nabe, em bi lez çûne nexwas-xanê, textor wiha li bavê min û ew keçikê li der û dora wî mêze kir, got: Xalooo ev he-ycan ji te re rind nîne, binêr waye tansiyona te firiyaye li ezmana dikeve, heke tu piçikê dereng bihatayî wê halê te qet nebaş bibiya. Bavê min vegeyriya jî textor re got, qet behsa van keçika neke, ewana li cem kê bisekinin wê hema di ci de bimirin, qet xelasbûna wan tune ye. em kenyan, min ji keçika re got zû herin wan cilên xwe biguhirin, waye bavê min baş xuya nake. wana bi gotina min kir lê heta sê-çar rojan bavê min nexwaş bû, hema dikire nale nal, digot kanê hema ha-tîna cînarê te carek tenê bû!

Ez rûniştim min got bavo qurban, hatina keçikan jî bo tansiyona te qet baş nîne, ew niha karê wan hene, ew dixebitin, dibetilin, tu bi gotina min bike, li siheta xwe binêre. Çend rojan wî kire nale nal, dema min ew rêkir careke din got te dit ew keçikê cînarê te nehatin ez rê nekirim! min qet tiştê negot, dema bavê min li erebê siwar bû, dit ku ew keçik hemû sekinîne destê xwe jî bavê min re li ba dikin. ew kenya û kêfxweş bû... lê heta çendekê ez tirsîyam gelo halê bavê min çawa bû? paşê tu mesele neman, bavê min niha dîsa li cem min e.

**XÊZIK NAME**

**Bêtehemûliya têkçûnê**

Herin DTP'yan tevan bigirin, mala wan bi ser wan de xira bikin, ji bo ku zanibin têkbirina AKP'ê çi ye.. Êrîşşş



**Dema hesabxwestinê ye**


Ulan Hiso min negot ku em Wanê winda bikin ez ê te perîşan bikim, ew qas mesref ew qas pere me xerc kirin, tev çû bi avê de... Ez ê te qetqetî bikim



**Terora li dijî zarokên kurdan**

Ka tawambar li ku ye çima hûn wî naynin

Ez li vir im, li vir.



**Rizoyê XERZÎ**

rizoxerzi@gmail.com

**Ev qedera me koviyan e**

Salvegera 111'ê min hezar û sed û yazdeh çar li hemû rojnamevan û xebatkarên çapemeniya kurdî pîroz be. Mixabin di vê bîranîna 111'an de ji hişmendiya zordaran nehatê guhertin û di van rojan de mehek ce-zayê girtinê li Rojnameya Azadiya Welat a yekane û bi tenê ya ku bi kurdî li Tirkîyeyê derdikeve hate birîn.

Bi her halî rewş wiha diçe û bi ser de jî ev girtina çend berpirsiyar û rêveberên sazi-yên kurdan hat. Bêguman her kurdê ku rojev û tevgera kurdên bakur dişopîne ew baş sedemên van girtinan dizane û fam dike. Ji xwe jî berê ve gotine dijminayî bê minetî ye. Ji ber ku pêwîst e nivîsa min qerfî be lewre ez ê nêzi aliyên siyasî yên vê mijarê nebim.

Piştî van binçavkirin û girtinên ku di 14'ê nîsanê de dest pê kirin li gelek bajaran miro-vên welatparêz hatin girtin, êdî gelek kesên ku haya kesekî ji wan nîn e jî xwe durrî karê xwe dikin û wek mesela xezalê û kûsî li serê wan hatiye. Ez ê pêşî jî we re bi kurtî behsa çiroka xezalê û kûsî bikim da ku tiştê ez dix-wazim behs bikim bêtir were famkirin.

Çirok wiha ye: Xezalêk birîndar dibe û bi wê birîndariya xwe baz dide û xwe di çalekê de vedîşere, di wê navê de kûsiyek jî xwe bi hilkehlîk nêzi xezalê dike û xwe vedîşere. Kûsî jî xezalê dipirse te xêr e xwişka Xezal çima wiha bêhnçikyayî xwe vedîşerî? Xezal bersivê dide û dibêje, nêçirvanan ez birîndar kirime û ez xwe jî wan vedîşerim. Kûsî lê vedigerîne û dibêje erê erê xwişka Xezal ev qedera me koviyan e. Li ser vê gotina Kûsî, Xezal pir hêrs dibe û dibêje tu zanî heke ez jî ber birîna xwe nemirim jî ez ê jî ber vê tana te bimirin ku tu min û xwe dikî yek.

Îca heyrana çavên we, hewce nake hûn ewqasî xwe veşêrin jî ber ku kesek li we na-gere û heke jî bo wan tawambariyên ku jî ber wan ew mirov hatine girtin sûc be, bi her sê navên xwedê kesek jî me tune ye ku ew sûc nekirine. Çi kesê ku xwe wekî kurd dibîne her roj van sûcan dike êdî jî bo pûç-kiirina van girtinan pêwîst e ku kurd tev wekî ku hevseroka DTP'ê Emîne Ayna jî got, bêjin em tev sûcdar in û em îxbara xwe dikin. Ya jî van tevan xirabtir êvara 23'ê nî-sanê, cejna zarokan para zarokên kurdan jî xelatan nehatê jibirkirin û Dadgeha Cezayê Giran a Diyarbekirê jî bo 4 zarokên 'teror-ist' ên kurdan ku kevî avêtine panzerên bê guneh ên dewletê her yek jî wan zêdeyî 6 salan cezayê zindanê jî wan re hate xwestin. Kî dibêje haya dewletê jî kurdan tune ye û gavên herbiçav ên demokratîk navêje, ma jî vê diyariyê xwestir heye jî bo zarokên kur-dan û bi taybetî jî ku ev ceza di êvara cejna 23'ê nîsanê de hate diyarîkirin. Ewqas bes e heyra, em hinekî din jî zêde bikin wê wek kûsî li me were, hemû demên we bimînin xweş û jî bir nekin, ez li hêviya rexne û pêş-niyarên we me.

**Rojeva Eyşo**

rusen.sarili@gmail.com

**Remo û Eyşo bûn xwazgîn**



**Aqilê Remo bûkê nebîrî**





Her sal 23'yê Nîsanê bernamêyên pîrozbahiyê tîn amadekirin. Lê zarokên kurdan îsal jî ji wan pîrozbahiyên bêpar man û weke her carê di 'cejn'ê de xebitîn

# Cejn ji bo wan tiştêkî îfade nake!

Zarokên kurd ên ku ji ber sedemên cur bi cur koç kirine û hatine Edeneyê, 23'yê Nîsanê di stadyûmên ku pîrozbahî lê tîn kirin de simîtan difiroşin û Cejna Zarokan wiha pêşwazî dikin.

23'yê Nîsanê ango Cejna Zarokan li hemû deverên Tirkîyeyê bi şahiyên cur bi cur tê pîrozkirin. Lê zarokên malbatên kurd ên ku ji ber zilm û zora dewletê koç kirine û hatine Edeneyê di 23'yê Nîsanê de jî li kolanan dixebitin. Zarokên kurd çopan ji hev derdixin, simîtan difiroşin û bi vî rengî alikariyê didin malbatên xwe. Zarokên kurd di 23'yê Nîsanê de jî li derûdora stadyûmên ku pîrozbahî lê tîn kirin simîtan firotin.

## Zaroktiya xwe najîn

Zarokê bi navê Ahmet Uçat (16) jî nava çopan kartonan derdixe, şîşe û caman ji hev derdixe û bi vî rengî alikariyê dide malbata xwe. Ahmet Uçat wiha axivî: "Ji ber ku cerdevanan gundê me şewitand, me jî Mêrdînê koçî Edeneyê kir. Ji ber ku rewşa aborî ya malabata min ne baş e, ez jî dixebitim û di nava çopan de tiştan berhev dikim. Dema ku dibêjin 23'yê Nîsanê kêfxweşî û bextewariya zarokan tê bîra min. Lê ez nikarim zaroktiya xwe bijim, nikarim bigerim. Ji bo ku pere bibim malê mecbûr im ku bixebitim. Ji ber ku rewşa aborî ya malbata min ne baş bû min dev jî dibistanê berda û piştî pola 7'emîn neçûm dibistanê."



## Weke her carê dixebitin

Zarokê bi navê Omer Baral (16) jî bi firotina simîtan alikariyê dide malbata xwe. Omer Baral jî der barê 23'yê Nîsanê de wiha axivî: "Ev 8 sal in ez simîtan difiroşim. Serê sibehê zû radibim û diçim firinê. Ji vir simîtan digirim. Piştî ku simîtan difi-

roşim bi pereyê ku dikeve destê min pêdiviyên malê bi cih tînim. Rewşa me ya aborî ne baş e. Em nikarin pereyê ceryan û avê bidin. Şert û mercên jiyandê dijwar in, ji ber vê yekê jî ez jî dixwazim alikariyê bidim malbata xwe. Em zivistanê jî serê sibehê heta êvarê li ber sermayê, havînê jî li ber germê dimînin û simîtan difiroşin. Dema ku tê gotin 23'yê Nîsanê çûyina stadyûmê û li vir firotina simîtan tê bîra min."

Malbata zarokê bi navê Veysi Aşma jî jî Mêrdînê koçî Edeneyê kiriye. Aşma jî hestên xwe wiha vegotin: "Ji ber ku rewşa me ya aborî ne baş bû piştî dibistana seretayî min dev jî dibistanê berda û dest bi firotina simîtan kir. Heke rewşa me ya aborî baş bû min ê çima simîtan bifirota. Heke pereyê me heba ez ê jî bigeriyama. Zarokên din dikarin bigerin. Lê derferteke me ya bi vî rengî tune ye."

Şiyar Aydemîr û Ugur Demîr jî bi firotina simîtan alikariyê didin malbatên xwe. Ew jî naçin dibistanê û dibêjin ku ew mecbûr in bixebitin. Ew jî weke hemû zarokên ku li kolanan dixebitin dibêjin ku 23'yê Nîsanê jî bo wan tu tiştî îfade nake. Her wiha îsal jî di 23'yê Nîsanê de jî bo ku alikariya malbatên xwe bikin xebitin. Cejneke din jî bi vî rengî derbas kirin.



## Ji 23'yê Nîsanê bêxeber e!

Li Tirkîyeyê di gelek waran de ji ber bédadiyên heyî, newekhevî jî pir in. Ji van yekê jî di dema 23'yê Nîsanê "Roja Cejna Zarokan" tê pîrozkirin de zarokên li 28 gundên navçeya Serêkaniyê bi boneya tunebûna dibistanê dema xwe bi şivantiyê derbas dikin. Ji van zarokan yek wiha ket ber objektîfan.

## Li Qersê berf barî

Li Qersê ligel barîna berfê bahozê dest pê kir. Li bajarê Serhedê Qersê di demeke welatî edî li benda biharê û zêdebûna germê ne, berfê cardin xwe nîşan da. Li bajar ligel barîna berfê bahozê jî dest pê kir. Di encama barîna berfê û rabûna bahozê de welatîyan tengasî kişandin. QERS



## Gola herî romantîk!

Li Norwecê goleke pir balkêş heye. Bi her awayî xwezayî ye. Şeklê golê weke dil e. Ev gola ku dişibe dilê mirov hezar kilometre dûrî Cemsera Bakur e. Her wiha weke gola herî balkêş a cîhanê tê qebûlîrin. Li gorî texmînen zanyaran ev gol piştî guherîna avhewayê di dema cemedan de bi awayekî xwezayî çûbûye. Dema ku cemed şikestine ciheke kûrbûna wê 2,7 metre û dirêjahiya wê 3,5 metre derketiye holê. Ev valahî di şeklê dil de ye. Piştî ku baran bariye û ev der tîjî av bûye jî dimeneke pir xweşik û balkêş derketiye holê. Kesên ku tînê derê jî ber xweşîkbûna xwezayê û golê sermest dibin. OSLO



## Salê 3 ton bacanan dide

Çîniyan di fuara zanist û teknîka sebzeyan de dareke ku salê 3 ton bacanan sor (firingî) dide pêşkêş kir. Fuara zanist û teknîka sebzeyan li bajarê Shouguangê pêk tê. Di fuarê de li derdora 2 hezar cure sebzê, fêkî û kullîk tînê pêşandan. Çîniyan cara ewil di vî fuarê de dareke balicanên sor jî pêşkêş kir. Hate ragihandin ku ev dar salê 3 hezar kilo bacan dide. Dara ku salê 3 hezar kilo bacan dide di fuarê de eleqeyeke mezin dît. PEKÎN (netkurd)

## Astront ji bo çûna rojgera Marsê amedekariyan dikin

Mars yek ji rojgerên ku bala mirovan dikêşîne û heviya jiyandê lê tîn kirin e. Ji ber vê yekê çavê mirovan her li çûn û keşîfkirina wê ye. Niha merhela yekem a rêwîtiya Marsê bi awayekî fermî dest pê kir.

Bernamêya sîmulasyonê ya ku yek ji hedefên rêwîtiya bi mirov ya Marsê ye dest pê kir. Bernamê ji aliyê Ewropa û Rûsyayê ve tê birêvebirin. Ji bo amedekariyên bernamê, 4 rûs, 1 fransîz û 1 alman tîn perwerdekirin. Van astronotan di nava kapsuleke girtî de dest bi jiyaneke taybet ya perwerdê kirine.

Tîma ku ji 6 astoronatan pêk tê hefta borî li nêzî Moskowê di baxçeyê Enstîtuta Lêkolînê Medîkal û Biyolojîk (IMBP) de ketin nava kapsula

metal. Ev tîm dê 105 roj bê ku ji kapsulê derkeve, fêrî jiyana rêwîngiyê bibê. Wê jiyana astronotan 24 saetan bi kamerayan bê şopandin.

Tîma ku tevli ezmûna rêwîngiya Marsê bûye hemû zîlam û jî rûs, fansîz û almanan pêk tê. Astronotê rûs Sergey Rjasanski wek serokê komê hatiye hilbijartin. Ew dibêje jiyana di mekaneke teng de dê di navbera endamên komê de tengasiyan derneke. Rjasanskiyê 34 salî pisporê biyokîmyayê ye. Ew dibêje ger pêwîst bike dê ji bo stresa xwe bavêjin, bi hev re xebatên muzîkê bikin.

Astronotên nîgashî heta ji wan tê de di nav kapsula xwe de şertên rêwîtiya Marsê bijim. Wê li dijî xeterên ku tîn serê rêwîyên fezayê yê wê helandina hestî û masûlkeyan, egzersizan

bikin û her daîm bi "îstasyona erdê" re di tîkiliyê de bin. Wê tîkiliya wan li gorî rewşa dûrbûna Marsê ya jî dinyayê 20 deqe dereng pêk were. Her wiha wê bandora dûredirê ya kêşana erdê jî bê testkirin.

Li gorî texmînan herî zû rêwîtiya Marsê dê di sala 2030'î de bê pêkanîn. Ji rayedarên Enstîtuta Lêkolînê Medîkal û Biyolojîk Yevgenî Dyomîn dibêje dê endamên tîmê di nav kapsulê de gelek ezmûnên tîbî jî pêk binin.

Wek minak wê diranê yekî tîjî bikin û her wiha ihtîmala mirina yekî bidin berçavan û li gor wê yekê tevbigerin. Wê tevgera endamên tîmê jî aliyê pisporan ve bê şopandin.

Ceribandina rêwîtiya Marsê ji aliyê Ajansa Alman ya Hewayî û Fezayê û Ajansa Ewropayê ya Fezayê tê piştgirîkirin. Maliyeta ezmûnê nêzî 15 milyon dolar e.

## Ji rêwîngiya hêyvê zehmettir e

Zanyar dibêjin ku rêwîtiya Marsê wê ji ya hêyvê cudatir be. Tevî vegera rûyê erdê wê rêwîti bi giştî du salan bajo. Wê astronot di vî demê de dinyayê nebînin. Berî vê keştiyê fezayî li Marsê danibû û jî wir gelek wêne û agahiyên din şandibûn. BONN (rudaw)

